

Wuhlweacng Sasuc

Puk in Kol nuhtin Mempucr ke Kuhlals



Kolo: *Luti Finohl ah*, sel Carl Bloch. Orekmakihn lwelah sin
National Historic Museum fin acn Frederiksborg.

© 2004 sin Intellectual Reserve, Inc.
Kuh ac suwohs nuhkwewa fihliyucki
Sihmlac fin acn USA
Ahkkweyeyucklac ke English: 8/96
Ahkkweyeyucklac ke lweng: 8/96

Lwenglah luhn Wuhlweacng Sasuc: *New Testament: Class Member Study Guide*
Oreklac ke Alu luhn Jisus Kraist luhn Mwet Luhlahlfongi Lal ke Lwen-sahflah Salt Lake City, Utah
Kosraean

Ikacslah

Jisus el fahk, “Lutlut sihk” (Mattu 11:29). Lutlut ke Mwet Lahngo ac ma pwacye lal sie ip yohk ke moukhihnyacn Wosasuc Lal. Kwacfeacng lom in suk ke ma suhmuhslah lwen nuhkwe-wa e kahsre kom in fototo nuh sel, tuh “ma inge sihmlac, tuh kom in luhlhl-fongi lah Jisus pa Kraist, Wen nuhtin God; ac in luhlhlfongi kom ac eis moul ke inel” (Jon 20:31).

Mwe kol se inge kihtakatwelikh nuh ke ip ke nempuh ma ahol lesin ke kuhlahs se ke Olweacng ke wosasuc ke Wuhlweacng Sasuc. Kais sie ip ituckyang mwe ritiyuck nuh ke wik ac kih-sien siyuck in ahkyohkye lutlut lom an. Kom ac kuh in orekmakihn kih-siyuck inge in ahkkapye kom sifacna ke ma suhmuhslah, in ahkfahsrye sramsram ke wosasuc inmahsrlon mumpucr ke sucu ac in ahkolah wowo nuh ke sramsram luhn kuhlahs.

Mwe Kol se inge mwe kahsruh na yohk se nuh sin sucu. Kais sie ip nwa-cack sie mwe nguhsr nuh ke mukwik-wi kuh sritacl kuh sramsram ma in weacng oruh in oasr kena ac kain in mwe lutlut ke wosasuc lun lohm ah.

Oacyacpac ituckyang nuhke kais sie ip inge oasr sie tahk in ma suhmuhslah—tahklac luhn mwe rit ke ma suhmuhslah ma fototo nuhke ma ritiyuck uh. Kom ac ke suhmuhslah tahk inge ke sahflahiyacn ma suhmuhslah intum an. Kom ac ke oacyacpac muhsaheack tahk in ma suhmuhslah lom sifwacna in sulaclah mwe rit ke ma tahkih-nyucklac inge.

In ahkyohkye tahk in ma suhmuhslah ke ma suhmuhslah intum an, mahkiac

lun ma suhmuhslah intum an fuhs se emet ke tahk an. Sisken mwe rit sacn suhmuhslah mwe kahsruh nuhke mwe rit ahkluo ke tahk an. Ikacslah nuhke mwe rit ahkluo, mahkiac, ac suhmuhslah mwe kahsruh nuhke mwe rit ahk tolu. Kalweni neke kom mahkiac mwe rit sahflah ke tahk an, na ahksahfyelah kuhpahsr an in sihmihs in fototo nuhke mwe rit sacn mwe kahsruh nuhke mwe rit se met. Kom ac orek-makihn kuhpahsriyacn ma suhmuhslah inge in sa konwacack ma suhmuhslah ke kais sie ma yohk tohuayk ke wosasuc.

Sie ip weacng eke sahflahiyacn mwe kol se inge nacack fahk luhn Mwet Pahluh ke lwen mihsenge uh ke mwe in sewowo ke lutiycn ma suhmuhslah.

Kom akacsruhi nuhsin mwet luti lom ke olweacng ke wosasuc in kuh in kahsruh kuhlahs in kuh in kapkapwack. Leum el fahk lah mwe luti uh enenuh in “luti . . . ke nguhn luhn ma pwacye” ac tuh elos suc eis “kahs luhn ma pwacye” enenuh “in eis ke nguhn luhn ma pwacye” (D&C 50:17, 19). Tuhkuh nuhke kuhlahs ahkolah in sang nuhnak, siyuck kihsensiyuck, akacsruhi ke puhla, fahkwack puhla in luhlhlfongi, ac lohacng lohng mwet luti ac kuhtuhpac mumpucr ke kuhlahs. Ke kom luti mwe rit kuneyucki an ac nuhnkuh ke kihsen siyuck ke mwet kol se inge, kom ac ahkolah wo in puhla ahkpwacyeyiacn kahs luhn Leum ke el fahk, “El suc luti ac el eis, aetui sie sin sie, ac kwewana kapkapwack ac tuhkweni engan” (D&C 50:22).

“Tuh Kom in Luhlahlfongi Lah Jisus Pa Kraist”

1

*Isaia 61:1–3; Lweng lal Joseph Smith,
Luk 3:4–11; Jon 1:1–14; 20:31*

- Mac kom luti ke Jisus Kraist ke Jon 1:1–3, 14? (akihlen lah “Kahs” ke Jon1:1, 14 luhmweyuck nuhke Mwet Lahngo. Orekmakihn Lweng lal Joseph Smith ke fuhs inge fin oasr.)
- Mwet Sap Jon el fahk lah “ke [Jisus] oasr mou” (Jon1:4). El oacyacpac ahkkahlwemye lah Jisus pa “Kahlwem pwacye, ma tohlwack mwet nuhkwe-wa ma tuhkuh nuh facluh”(Jon1:9). Mwet Lahngo el usot nuhsum mou el kahlwem fuhkah?
- Mac sramsram kuh mwe luti ke Wuhlweacng Sasuc ma lihksreni ahkkweye kuh kahsre kom? Lutlut ke Wuhlweacng Sasuc ke yac se inge kahsruh ahkkweye luhlahlfongi lom ke Jisus Kraist fuhkah?

Mwe Nguhsr Nuhke Sramsram luhn Sucu

Riti Jon1:1–3 kuh Lweng lal Joseph Smith, Jon1:1–3. Ahkkahlwemye lah Jisus (“kahs” ke Jon1:1–3) el oraclah facluh ye kohkoh lal Pahpah Lucng. Oruh sie fahsr ma ekihn sie sucu, srihk in lohacng nuhke ma kahto pucspuc ma oreklac uh.

Tahk in Ma Suhmuhsrah 8: Orekma Nuh Ahkkweyeyucklac Luhn Jisus Kraist

Jon 1:1–5	Mosiah 3:5–10
Jon 1:9–17	Isaia 61:1–2
Abraham 3:22–27	Luk 4:16–21

“Nguhnikh Kaksakihn Leum”

2

Luk 1; Mattu 1

- Mac kom luti kac l Mary ke sramsram lal nuhsel Lupufacn Gabriel ac nuhsel Elizabeth? (Liye Luk 1:26–38, 45–49; oacyacpac liye Alma 7:10.) Mac kom kuh in oruh in ukwe srihkasrak lal?
- Srihkasrak lal Elizabeth, Zacharias, Jon Pacptais, Mary ac Joseph kahsre kom in liye fuhlwactlacna luhn Mwet Lahngo ac ahkyohkye luhlahlfongi lom in el fuhkah? Kom kuh in kahsruh kuhtuhpac in ahkyohkye luhlahlfongi lalos in Jisus Kraist fuhkah?

Mwe Nguhsr Nuhke Sramsram luhn Sucu

Riti Luk 1:16, ac sramsramkihn yohk srihpacyac in kahsruh mwet “For nuhsin Leum” in akacsruhi wosasuc nuhselos. Oraclah sie tahk ke mempucr ke sucu kuh kawuck ma tiac mempucr ke Alu uh kuh mempucr ma suhkac fahsri Alu uh. Pruhe in ekihn sie sucu nuhke kolyuck in sulaclah lah suc kom ac akacsruhi wosasuc nuhse ac kom ac oruh fuhkah.

Tahk in Ma Suhmuhsrah: Pahluh Kac l John Pacptais

Isaia 40:3	Luk 1:13–17
1 Nephi 10:7–10	Luk 7:67, 76–79

“Isuslac nuh Suwos ... sie Mwet Lahngo”

3

Luk 2; Mattu 2

- Mac ngac sikyak ke isuslac luhn Jisus? (Liye Luk 2:7.) Inkacnek fuhkah mwet mihsenge uh srahng-wesr oraclah rum nuhsin mwet Lahngo ke moul lalos? Mac kom kuh in oruh in oraclah rum lal nuhke moul lom?
- Efuh Jisus el tuhkuh nuh facluh? (Liye 3 Nephi 27:13–16.)
- Mac “Mwet lahlmwetmwet kuhtuh-lacp” oruh ke elos konwacack tuhlihk fuhsr Jisus? (Liye Mattu 2:11.) Mac mwe sang kom kuh in sang nuhsin Leum?
- Ke el fuhsr, Jisus el “kapkapwack in etuh ac mahtuhlah, ac luhngse God ac Mwet” (Luke 2:42). In ahkkuhtweyac ke kuhtuhpac kahs, El kapwack suhmaht, fokoko in

mahno, in nguhn ac wi toeni. Mac kuhtuh ma kom kuh in oruh in kapkapwack in suhmaht, fokoko in mahno, in nguhn ac in wi toeni.

Mwe Nguhsr nuhke Mwe Sramsram luhn Sucu

Riti lain ke kuhtuh on kuh on luhn tuhlihk srihsrihk ke isuslac luhn Jisus, ac ngihsre mempucr ke sucu in ahkkahlwemye lah on fuhkah ingacn. Yuck soko on an in sie sucu, ac sramsramkihn yohk srihpaciyacn esamyacn isuslac luhn Jisus ke yac se liki na ke puhlan pacd in christmas.

Tahk in ma Suhmuhsrah: Isuslac luhn Jisus

Isaia 9:6

1 Nephi 11:13–21

Heleman 14:1–8

Luk 2: 7–14

“Ahkoelah Inkacnek luhn Leum”

4

Matt 3–4; Jon 1:35–51

- Mac mwe fahkwack Jon el luti in ahkolah mwet nuhke tuhkuh luhn Mwet Lahngo? (Liye Mattu 3:1–2.) Mac kalmac in auliyak? (Liye 2 Mwet Korint 7:9–10; Luk 19:8; Mosiah 7:33; D&C 1:31–32; 58:42–43.)
- Ke kom riti ke oruh luhn Mwet Lahngo nuhsel setuhn yen mwesih, mac kom luti ke tilokihnyacn mwe sruh? (Liye Mattu 4:1–11.)
- Tukun eis loh kac lah Jisus pa misaia, Philip el topuk tafuh luu lah Nathaniel fuhkah? (Liye Jon 1:43–46.) Mac kom kuh in oruh in ngihsre pac kuhtuh in “tuhkuh ac liye” Mwet Lahngo?

Mwe Nguhsr Nuhke Mwe Sramsram luhn Sucu

Akolah sie lesin in kahsrh mempucr ke sucu suc ahkoo nuhke pacptais kuh sramsramkihn inkacnek in kahsrh mwet ma ac forlah suc apkuhran in pacptaislac. Sramsramkihn lah efuh Jisus el enenuh in pacptais (Matt 3:13–15; 2 Nephi 3:6–9) ac efuh kuht enenuh in pacptais (2 Nephi 31:5, 10–12; D&C 20:71–73; 49:13–14). Ngihsre mempucr ke sucu suc pacptaislac in sruhmuhn ke elos pacptaislac ac ahkkahlwemye puhla lalos ke mwe in sewowo elos eis ke srihpen pacptaislac lalos.

Tahk in Ma Suhmuhsrah: Auliyak

Luk 15:3–10

1 Jon 1:8–9

Alma 34:31–34

D&C 58:42–43

2 Mwet Korint 7:9–10 Mattu 3:1–2

“Sifilpac Isuslac”

5

Jon 3–4

- Jisus el fahk nuhsel Nicodemus lah “Sie mwet el fin tiac sifwil isuslac, el koflahna liye tohkohsrahi luhn God” (Jon 3:3). Mac kalmac in sifil isuslac? (Liye tahk in ma suhmuh-slah ke ip se inge.)
- Rit ac nuhnkuh ke Alma 5:14–31 in na muh Alma el sramsram nuhsam. Mac kom enenuh in oruh sifacna in “isuslac sin God ... in nguhn”? (Alma 5:14).
- Jisus el fahk nuhsin muhtwacn Samaria se lah el kuh in sang nuhsel “Kof in moul” (Jon 4:10). Mac kom nuhnkuh ke kalmacn “kof in moul”? (Liye 1 Nephi 11:25; D&C 63:23.) Kuht ac eis kof in moul fuhkah? Kof in moul se inge ahkin-sewoweoye kom fuhkah?

Mwe Nguhsr Nuhke Mwe Sramsram luhn Sucu

Sang nuhsin kais sie mempucr ke sucu an sie kuhlahs in nihtmnihm. Okwacacng kof nuhke kais sie kuhlahs, na ngihsre mempucr ke sucu in nihm. Siyuck sin mempucr ke sucu lah elos fin nihm elos ac sifilpac enenuh, na riti Jon 4:1–15, na sramsramkihn kihsensiyuck ke pacruhkrahf ke ip se inge. Ahkkahlwemye lah kuht fin tuhkuh nuh yurin Kraist ac moulkihn wosasuc lal, kuht ac eis “moul ma pahptaht” (Jon 4:14).

Tahk in ma Suhmuhsrah: “Sifwil Isuslac”

Jon 3:3–5

Mosiah 27:25–26

Jon 3:16–17

Alma 5:14–16

Mosiah 5:1–7

Alma 22:15–18

“Elos Som Sislah Nwek Nahtuhlos

6

Luk 4:14–32; 5; 6:12–16; Mattu 10

- Efuh yohk srihpac tuh Jisus lan pahngon mwet sap? (Liye Matt 9:36–38; 16:19; Mark 3:14–15; Jon 20:19–21, 23; Mwet Efesus 4:11–15.) Efuh yohk srihpac tuh Leum lan pahngon mwet sap mihsenge?
- Mac kom luti ke kuh ac kunohkohn luhn mwet sap ke kihsen kahsruh luhn Jisus ke Mattu 10? Kom liye mwet sap ke lwen mihsenge uh ahkpwacyeye kunohkohn inge fuhkah?

- Kom nuh ahkinsewoweoyeyuck ke ukweyacy kihsen kahsruh luhn sie mwet sap fuhkah?

Mwe Nguhsr nuhke Mwe Sramsram luhn Sucu

Oruh in liyeyuck jart ke Jacnuhruhl Ohtohriti ke mwe sramsram sasuc ingena ke puk in rit nuhtin alu uh ma oasr ke acn sum an. Kahsruh mempucr ke sucu in akihlen ac lutlut ke inen

Mwet ke Prestuhn se Met ac U luhn
Mwet Sap Singucul Luo. Akacsruhi ke
puhla lom ke mwe insewowo ma ac
fah oasr in kolyuck sin Mwet Pahluh
ac Mwet Sap.

Tahk in Ma Suhmuhslah: Pahng luhn sie Mwet Sap

Luk 6:13 D&C 107:33, 35
Matt 10:5–8 D&C 112:14
Mwet Efesus 4:11–15 D&C 112:19–22
D&C 107:23

“[EI] Sruhwack Mwe Muhnahs Lasr, ac Ahkkweyelah Mas lasr

7

Mark 1–2; 4:35–41; 5; Luk 7:11–17

- Sie mwenmwen pa sie ma usrnguck sikyak ke kuh, kuh kuhluhn Nguhn Muhtahl (Bible Dictionary, “mwenmwen,” 732–333). Efuh Jisus el oruh mwenmwen ke pacl el oruh orekma in ikoac lal? (liye Matt 9:27–30; Mark 1:27; 2:10–11; 5:19 nuhke kuhtuh top nuhke kihsensiyuck se inge.)
- Efuh kom nuhnkuh muh luhlhl-fongi enenuh in tuhkuh met liki mwenmwen? Efuh mwenmwen uh koflah in sifacna sang sie pwelucng kuh ke luhlhlfongi?
- Efuh mwenmwen ma Jisus el oruh ke mouh in ikoac lal yohk srihpac nuh sum? Efuh yohk srihpac in etuh lah el srackna oruh mwen-

mwen inge mihsenge? Mac kuhtuh mwe srihkarak ke mwenmwen mihsenge uh?

Mwe Nguhsr Nuhke Mwe Sramsram luhn Sucu

Ngihsre mempucr ke sucu in sruh-muhn ke mwenmwen ma sikyak in mouh lalos kuh ke mouh luhn mwet elos etuh.

Tahk in Ma Suhmuhslah: Mwenmwen ac Luhlhlfongi ke Jisus Kraist

2 Nephi 27:23 Ether 12:12
Mark 1:34 Mormon 9:15–21
3 Nephi 17:5–10

Luti Finohl Ah: “Sie Ohiyac Na Wo”

8

Mattu 5

- Mwet luhlhlfongi ke lwen mihsenge kuh in “kahlwem luhn facluh” fuhkah? (Mattu 5:14; oacyacpac liye fuhs 16).
- Luti luhn Mwet Lahngo ke Mattu 22–24, 28, 34–37, 39–40, ac 44–48 masap yohk liki masap sruhmuhnyuck ke Mattu 5:21, 27, 33, 38, ac 43 fuhkah?
- Mwe Luti ke Luti finohl ah kaksre kuht “tuhkuh nuh yurin Kraist, ac

ahkwoyeyucklac in el” fuhkah? (Moroni 10:22).

Mwe Nguhsr Nuhke Mwe Sramsram luhn Sucu

Ke sie port an, port oreklac ke pwepuh kwekwe, kuh ipin pwepuh, suhmuhslah fahk se inge(kuh sie pac fahk ma ac fal nuhsin mempucr ke sucu): *Mwe Luti ke finohl ah kuh in kaksreyuck ke lutlut ac*. Siyuck mempucr ke sucu

in riti kuhtuh fuhs ke Mattu 5 ac sramsramkihn lah mwe rit inge kuh-pahsr fuhkah nuhke mwe fahk se kom suhmuhslah ah?

Tahk in Ma Suhmuhsalah: ahkwoyeyucklac ke Iwaclah luhn Jisus Kraist

Matt 5:48
Ether 12:27

Moroni 10:32–33
D&C 76:68–70

“Suk Met Tohkohsrahi luhn God”

9

Mattu 6–7

- Mac mwe opi nuhsin mwet ma oruh ma wo liyeyuck sin kuhtuh pac uh? (Liye Mattu 6:2, 5, 16.) Mac kuhtuh ma kuht oruh liyeyuck sin kuhtuh pac a tiacna srui sin God? Kuht kuh in ahknwacsnwacsye oruh lasr in kuhlwacnsap ac oruh kuhtuh pac orekma wo fuhkah?
- Luti ke Mattu 7:12 kwacna pahng-pahng masap yohk. Mac puhlakihn lom in ahkkahlwemye yohk srihpaciyacn ma yohk se inge? Ukweyacn masap yohk se inge oruh kuht in mwet tuhma lutlut wo luhn Jisus Kraist fuhkah?
- Jisus Kraist el olwelah muh kuht fin “Suk ... met tohkohsrahi luhn God,” ac fah utuckuh nohfohn ma kuht enenuh (Mattu 6:33). Mac kom puhlakihn in kahsre kom in eis sie luhl-lahlfongi ke olwelah se inge?

orekmakihn in pwelucng nuhke sie lohm. Riti Mattu 7:24–27, ac sramsramkihn lah muhsahiyacn moul lasr ke mwe luti luhn Mwet Lahngo oacna sie muhsah lohm ke sie pwelucng na kuh ke yot fuhkah.

2. Sruhwack sie macp an. Siyuck sin mempucr ke sucu lah sie macp kuh in kahsrelos fuhkah nuhke sie plwacn in muhtwacta. Fin sucu lom an tuhfhahna oraclah sie muhtwacta kuh ac fah oruh sie tok, sramsramkihn lah oasr macp orekmakihnyuck kuh ac fah orekmakihnyuck ke muhtwacta sacn. Ahkkuhtweyac lah forfor lasr nuhke moul ma pahtpaht uh, ma suhmuhslah ac mwe luti sin Mwet Pahluh moul oacna sie macp, kahsre kuht in etuh lah kuht ac fohlohk fuhkah nuh yurin Pahpah Tuhmasr Inkuhsrao.

Mwe Nguhsr Nuhke Mwe Sramsram luhn Sucu

1. Sruhwack sie yot ah ac sie yol in puhk an. Siyuck sin mempucr ke sucu lah suc sin ma inge elos ac

Tahk in Ma Suhmuhsalah: Moul Oacna Mwet Tuhma Lutlut luhn Kraist

Mattu 16:24–25
Mattu 7:21
Jon 8:31

Jon 13:35
2 Nephi 31:10–13
Moroni 7:48

“Eis Srenenuh Luhk nuh Fom, ac Lutlut Sihk”

10

Mattu 11:28–30; 12:1–13; Luk 7:36–50; 13:10–17

- Mac kuhtuh srihkasrak luhn ma toasr kuht puhlakihn ke moul se inge? Leum el kuh in “se [nuh sesr] monglac” liki ma toasr inge fuhkah? (Liye Mattu 11:28–30.) Mac kalmac

in eis sahsxing luhn Kraist nuh fom? (Liye tahk in ma suhmuhslah ke ip se inge.)

- Sie muhtwacn suc ilyak nuh in lohm sel Saimon mwet Pharisee us ma

toastr luhn ma koluk (Luk 7:37). Mac muhtwacn sac oruh in lwelah Jisus lan eislah ma toastr lal (Liye Luk 7:38; 44–50.) Mac kuht kuh in oruh tuh Mwet Lahngo lan eislah ma toastr lasr ke ma koluk liki moul lasr uh.

Mwe Nguhsr Nuhke Mwe Sramsram luhn Sucu

Sap sie mempucr ke sucu in sruokyac sie mwe menyuck ma pih sac ikacslah fin pa nuhke sie pack kuh pohk. Siyuck kuh-tuh pac mempucr ke sucu in likiyac kuhtuh ma nuhke mwe menyuck sacn, ma se ke pacl se. Ke mwe menyuck sacn toasri uh, ngihstre sie mempucr ke sucu in kahsrus uh. Ahkkuhtweyac lah ma oan lun mwe menyuck sacn ahol ma

toastr ma kuht us uh, pa nuhke mwe lain ac pahkomuhta. Kahsrus sin mempucr se ahkluo ke sucu in ahol nohfohn ma Mwet Lahngo el oruh nuh sesr ke kuht tuhkuh nuh yohrohl ke kuht “orekma ac tohtohlah” (Mattu 11:28). Riti Mattu 11:28–30 ac Mosiah 24:8–15, ac kahsrus mempucr ke sucu in kahlwem kac lah ke kuht ukwe Mwet Lahngo uh, El ac ahkfhirsacsryelah ma toastr lasr ac oruh in muhlalah lac.

Tahk in Ma Suhmuhsrah: “Eis Srenenuh luhk Nuh Fom, ... ac Kom fah Konwacack Monglac.

Mattu 11:28–30 D&C 54:10
Mosiah 24:8–15 D&C 59:23
Alma 12:33–35

“El Sramsramkihn Ma Pucspucs nuh Selos ke Puhpuhlyuck”

11

Mattu 13

- Meac kalmacn puhpuhlyuck se ke sie mwet tahknwelihk sac? (Liye Mattu 13:3–8, 18–23.) Efuh kom nuhnkuh muh puhpuhlyuck sac tuhngal yohk nuhke infohkuh liki na mwet tahknwelihk sac kuh fihtac ah?
- Meac nguhsr Jisus el tahfwelah tukun el oruh puhpuhlyuck se ke mwet tahknwelihk sac? (Liye Mattu 13:9.) Meac kom nuhnkuh muh kalmacn kahs se inge *lohng* ke nguhsr se inge? Meac kalmac in liye tuhsruhk in tiac liye ac in lohng tuhsruhk in tiac lohng? (Liye Mattu 13:13–15.)
- Mwet Paluh Joseph Smith el luti lah puhpuhlyuck ke soko fihtac in muh-start ac pret tiac pulohl ma ke Alu luhn Jisus Kraist luhn Mwet Luhlahlfongi lal ke Lwen Sahflah (*Teaching of the Prophet Joseph Smith*, sel. Joseph Fielding Smith [1976], 98–100). Kom liye orekma luhn God kapkapwack oacna ahkkahlwe-

myeyuck ke puhpuhlyuck inge fuhkah?

Mwe Nguhsr Nuhke Mwe Sramsram luhn Sucu

Oraclah ipin pwepuh srihsrihk 14. Ke kais sie ipin pwepuh suhmuhslah sie sin kahs inge, suc kuhpahsr nuhke puhpuhlyuck ke wit ac tacsrs: (1) *mwet tahknwelihk*, (2) *Leum ac Mwet Sap lal*, (3) *fihtac wo*, (4) *mempucr suwohswohs ke Alu uh*, (5) *imac*, (6) *facluh*, (7) *tacsrs*, (8) *mwet koluk*, (9) *Mwet lokoalok*, (10) *Setuhn*, (11) *kosracni*, (12) *sah-flahiyacn facluh*, (13) *mwet in kosracni*, ac (14) *lupufacn*. In sifil lutlut ke puhpuhlyuck ke wit ac tacsrs, kuhlamihsiyac ipin pwepuh an. Sap mempucr ke sucu in likiyac mwet, ma, ac mukwikwi ke puhpuhlyuck sacn nuhke kalmac an. Kom ac ke riti Mattu 13:24–30; 36–43 ac Olweacng ac Wuhlweacng 86:1–7 ke kom fosrngahkihn mwe sramsram se inge.

**Tahk in Ma Suhmuhsalah:
“Insroac in Lohng”**

Mattu 13:9–16

Alma 10:2–6

Mosiah 2:9

Alma 12:9–11

“Nga Pret luhn Moul”

12

Jon 5–6; Mark 6:30–44; Mattu 14:22–33.

- Jisus el lain mwet kol Jew in “suk ma suhmuhsalah” (Jon 5:39). Meac siena liki suk ma suhmuhsalah ac riti ma suhmuhsalah? Kom oruh lutlut lom sifacna ke ma suhmuhsalah ac lutlut ke ma suhmuhsalah luhn sucu in oasr kalmac fuhkah? Kom ahkinsewowoyeyuck fuhkah ke kom suk ma suhmuhsalah uh?
- Efuh luhlhlalfongi lal Piter muhnahsalah ke el fahsr fin kof uh? (Liye Mattu 14:30.) Kuhtuh pacl uh kuht oraclah kain in tahfonglac se inge ke ma upac uh sikyak uh fuhkah?
- “Pret luhn Moul” pa sie ahkkuhtweyac wowo ke Mwet Lahngo ac ke mwe insewowo el ac se nuh sesr uh fuhkah? (Liye Jon 6:35, 47–51.) Kuht kuh in ipeis ke “pret luhn moul” fuhkah? (Liye Jon 6:47, 51–54; Mattu 26:26–28; Alma 5:33–35; D&C 20:77.)

Mwe Nguhsr Nuhke Mwe Sramsram luhn Sucu

Riti Mattu 14:22–32. Ahkkahlwemye lah Piter el ahkkahlwemye luhlhlalfongi yohk ke el fahsr fin kof uh, tuh-sruhk el muhtwacwacack in tili ke el muhtwacwacack in sahngweng. Sruhk wack sie petsac kacl Jisus, ac oruh in kahlwem nuh sin mempucr ke sucu lah ohinge finne fohs raunweloslac ke kuhtuh pacl, elos kuh in kuhtanglah sahngweng in esam Mwet Lahngo ac ukwacl. Siyuck mempucr ke sucu in sruhmuhn ke pacl elos kuhtanglah sahngweng in esam ke Jisus Kraist ac luti lal.

Tahk in Ma Suhmuhsalah: Ma Suhmuhsalah fahkwack ke Kraist

Jon 5:39

Orekma 18:28

Jon 20:31

2 Nephi 25:26

“Nga Fah Sot nuh Suwos Ki luhn Tohkohsrahi”

13

Mattu 15:21–17:9

- Jisus el fahk nuhsel Piter, “Fin yot se inge nga fah muhsahi alu luhk” (Mattu 16:18). Mwet Pahluh Joseph Smith el luti lah yot se Jisus el luhmweyuck nuhkac inge pa Fwackyuck (*Teachings of the Prophet Joseph Smith* sel. Joseph Fielding Smith [1976], 274). Ke ohiyac suc Fwackyuck el pwelucng ke Alu luhn Leum?
- Elder David B. Haight el luti lah “eklac in Nguhn luhn Jisus” ma nuhke kalmeyacn nguhn sar ac oacyacpac ma nuh selos suc mwet lohoh sifacna” (Ke Conference Report, Apr, 1977, 8; kuh *Ensign*, May 1977, 7). Meac kom luti ke eklac in nguhn sac in kahsre kom ke kom enenuh kuh in nguhn uh? (Liye Mattu 17:1–5.)

Mwe Nguhsr Nuhke Mwe Sramsram luhn Sucu

Riti Mattu 16:13–17. Ahkkuhtweyac lah Piter el eis sie luhlalhfongi ke Jisus Kraist ke Fwackyuck na kuht kuh in eis sie luhlalhfongi ke Mwet Lahngo ke ohiyac sepacna inge. Fahk nuhsin mempucr ke sucu lah kom kuh in eis sie luhlalhfongi ke Jisus Kraist ac ke ma kom srackna oruh in ahkkweye luhlalhfongi lom. Ac finne kuh, siyuck mempucr ke sucu in fahkwack puhla

in luhlalhfongi lalos. Kwacfelos in ahkkweye puhla in luhlalhfongi lalos in pruhe lwen nuhkwewa, lutlut ke ma suhmuhslah, ac ahkostwen nuhke ma sap luhn God.

Tahk in Ma Suhmuhsalah: Fwackyuck

Soakas 29:18	Mwet Galetia
Emos 3:7	1:11–12
1 Mwet Korint	2 Piter 1:20–21
2:9–12	Alma 5:46
	Moroni 10:5

“Suc Mwet Tuhlan Luhk uh?”

Mattu 18; Luk 10

- Meac kihsen kahsrub luhn Jisus nuh selos suc kena eis yohk pwacye ke tohkohsrahi lai? (Liye Mattu 18:2–4; Mark 9:35.) Kuht kuh in oacna tuhlihk srihsrihk uh ac fungyang nuhke kena luhn Pahpah Tuhmasr Inkuhsrao fuhkah?
- In luti puhpuhlyuck ke sie mwet kuhlhwacnsap suhwac pahkomuhta, Jisus el ahkkahlwemye yohk srihpaciyacn nuhnak muhnahs nuhsin kuhtuh pac (Mattu 18:23–35). Kuht oacna mwet kuhlhwacnsap se luhn tohkohsrah ke misac lasr nuhsin Leum fuhkah? Meac kom kuh in luti ke srihkasrak se luhn tohkohsrah in nuhnak muhnahs nuhsin kuhtuh pac? Meac kuhtuh sensen ke tiac nuhnak muhnahs nuhsin kuhtuh pac uh? (Liye Mattu 18:34–35.)
- Meac kom luti ke puhpuhlyuck se ke mwet Samaria wo sac? (Liye Luk 10:25–37.) Kom ahkinsewowoyeyuck fuhkah in “Mwet Samaria Wo”? Kom kuh in sie “Mwet Samaria wo” fuhkah? (Liye Mosiah 4:26.)

14

Mwe Nguhsr Nuhke Mwe Luti luhn Sucu

Riti puhpuhlyuck se ke Mwet Samaria wo sac (Luk 10:25–37). Srihke in lohacng nuhke nguhsr luhn Mwet Lahngo in “som, ac oruh oacna” (Luk 10:37). Na tahkuhnlah inen kawuck, sucu ac kuhtuh mwet kom etuh, siyuck kais sie mempucr ke sucu in use sie ine nuhke tahk an. Orek plwacn in kahsrub sie kuh luo sin mwet inge ke wik tok an.

In ipin mwe sramsram luhn sucu se inge, kom ac ke in tuhkweni onkackihn “Have I done any good”? (*Hymns* 223).

Tahk in ma Suhmuhsalah: “Luhngse Mwet Tuhlan Lom”

Luk 10:25–37	Jon 13:34–35
Livitikus 19:18	Mosiah 2:17
Mattu 22:35–40	D&C 38:24–25

Jon 7–8

- Meac Jisus el fahk nuhsin mwet in oruh in eis sie luhlhlafongi ke luti lal? (Liye Jon 7:17.) Kom kuh in orekmakihn mwe luti se inge nuhke moul lom fuhkah?
- Meac kalmac tuh Jisus pa Kahlwem luhn Facluh? (Liye tahk in ma suhmuhslah ke ip se inge.) Kom kuh in kahrroh kuhtuh pac in liye kahlwem suc Kraist el use inge fuhkah? (Liye Mattu 5:16; 28:18–20; Mwet Filippai 2:14–15.)
- Meac Jisus el olwelah nuh selos suc kwacfe in ukwacl? (Liye Jon 8:31–32.) Mac ma pwacye uh ahksukohsohkye kuhtlac liki? (Liye Jon 8:33–34.) Oraclah ma kuluk uh liki kuht in srohoh fuhkah? (Liye Alma 12:11; 34:35.) In etuh ma pwacye oruh kom in sukohsohk fuhkah?

Mwe Nguhsr Nuhke Mwe Sramsram luhn Sucu

Konwelah lahm in rum an, na kaliyac mwe lihsrlihsr ke winto an kuh konwelah motom. Siyuck sie mempucr ke sucu in oruh sie orekma na fihsracsr in kuh in liye, fin pa in riti sie fuhs kuh ahkuhtweyac sie petsac na urohkwack lahm an, ikacslah nuknuk in lihsrlihsr ke winto an kuh nguhtwaclihk, na siyuck mempucr sac in sifilpacna oruh ma el oruh ah. Sramsramkihn lah efuh fihsracsr in oruh ma el oruh uh. Sramsramkihn lah efuh fihsracsr in oruh ohiyac sac ke oasr luhn kahlwem an. Riti Jon 8:12, na siyuck mempucr ke sucu in sramsramkihn ohiyac ma Jisus Kraist pa kahlwem luhn facluh kac uh.

Tahk in Ma Suhmuhslah: Jisus Kraist ... “Kahlwem luhn Facluh”

Jon 8:12

Alma 38:9

Sam 27:1

3 Nephi 15:9

Isaiah 2:5

D&C 88:6–13

“Nga Kun, Inge Nga Liye”**Jon 9–10**

- Jisus el ahkweyelah sie mukul suc isuslac kun (Jon 9:1–7). Luhlhlafongi luhn mukul ahkweyeyucklac sac kapkapwack fuhkah ke el kwacfeacng in akacsruhi kac ah? (Liye Jon 9:11, 17, 33, 38.) Luhlhlafongi lom uh kapkapwack ke kom akacsruhi kac uh fuhkah?
- Pahpah ac ninac kiacn mukul se ma kun ac top fuhkah ke mwet Pharisee siyuck seltahl ke mwenmwen sac? (Liye Jon 9:18–23.) Efuh pahpah sac ac ninac sac topuk ke ohiyac se

inge? (Liye Jon 9:22.) Kuhtuh pacl uh kuht oacna pahpah ac ninac kiacn mukul se inge fuhkah? Kom ac kuh in puhlaik ke luhlhlafongi lom uh fuhkah?

- Ke mwe sramsram luhn Jisus ke sie mwet liyacacng sip ac sip nahtuhl, suc sip ac ahol uh? (Liye Jon 10:4, 27.) Suc mwet sucpuht sacn? (Liye Jon 10:11.) Mac kuhtuh ma ahkahlwemye sie mwet sucpuht wo? (Liye Jon 10:3–4, 7, 9–15.) Jisus el srihkasrak wo nuhke sie mwet liyacacng sip fuhkah?

Mwe Nguhsr Nuhke Mwe Sramsram luhn Sucu

Riti Jon 9:1–38, siyuck mempucr ke sucu in suk ke ohiyac ma Mwet Lahngo el kahsrüh mukul kun sac in liye kwe-wana ke ikoac ac nguhsn. Sramsramkihn oacna sie luhn liye in nguhsn ac liye in ikoac ac ma eltahl tiac oacna sie kac. Siyuck mempucr ke sucu in sramsramk-

ihn ohiyac elos kuh in ahkkapye kuhiyaclos in “liye” ma pwacye ke wosacus.

Tahk in Ma Suhmuhsrah: Jisus Kraist— “Mwet Sucpuht Wo”

Sam 23:1–6 Jon 10:11
Isaiah 40:11 Mosiah 26:21
Ezikiel 34:11–12 Alma 5:60

“Meac Nga Fah Oruh Tuh Ngan Usrui Moul Ma Pahtpaht”

17

Mark 10:17–30; 12:41–44; Luk 12:13–21; 14; 16

- Mac mwe insewowo ma yohk srihpac liki mwe kahsrüh uh? (Liye Luk 12:31–34; D&C 6:7 nuhke kuh-tuh srihkasrak.)
- Efuh mwet pucspucs sang insiaclos nuhke mwe kahsrüh luhn facluh finne elos etuh lah ma nuh ingena? Kuht kuh in etuh fuhkah lah kuht nuhkuh ke mwe kahsrüh inge?
- Mac Leum el siyuck sum in kihsack-uhnlah? Kom ahkinsewowoyeyuck fuhkah in oruh kihsac inge?

Mwe Nguhsr Nuhke Mwe Sramsram luhn Sucu

Likiyac sie ma suhmuhsrah an eke siskacn la rum an ac sie ipin mani an ke lwacyacn ngiac. Ngihstre sie mempucr ke sucu in srihke in fahsr suwohs nuhke ma suhmuhsrah sacn ke el ngwet nuhke

mani sacn. Fin mempucr ke sucu sacn upac nuhsel in sun ma suhmuhsrah an, siyuck sel lah efuh upac. Fin el kuh in sun ma suhmuhsrah an, siyuck lah lusac suc el kuh in som tiac elyah in fahsr ke lain soko an. Riti Mark 10:17–24, ac ahkkuhtweyac lah kuht tiac kuh in ilyak nuhke Tohkohsrahi luhn God (aholyucklac ke ma suhmuhsrah) kuht fin lohacng nuhke mwe kahsrüh luhn facluh (aholyucklac ke mani). Sramsramkihn lah kuht ac muhsahi ac karihngihn ohiyac wo ke mwe kahsrüh uh fuhkah?

Tahk in Ma Suhmuhsrah: Suk Tohkohsrahi luhn God

Mattu 6:19–21 Jacob 2:18–19
Mattu 6:33 D&C 6:6–7
Mark 10:28–30

“El Tuhlac, ac Konweyuckyak”

18

Luk 15; 17

- Mac kom kuh in luti ke mukwikwi luhn mwet liyacacng sip se ke puhpuhlyuck se ke sip tuhlah soko ah ac muhtwacn se ke puhpuhlyuck se ke ipin selfuh sac? (Liye D&C 18:10–13.) Meac sie ohiyac mwet

kuh in “tuhlac” kac? Mac kunacsruh selos suc tuhlah? (Liye Luk 15:4–5, 8; Alma 31:34–35.)

- Ke puhpuhlyuck se ke Wen Suhnuhtac sac, mac pahpah sac

oruh ke el liye fohlohkoh luhn tuhlihk mukul se nahtuhl ah? (Liye Luk 15:20.) Pahpah sac top nuhke taltal luhn tuhlihk mukul se nahtuhl ah fuhkah? (Liye Luk 15:21–24.) Top luhn pahpah sac oacna top luhn Leum ke kuht auliyak uh fuhkah? (Liye Luk 15:7; Mosiah 26:30; D&C 58:42.)

Mwe Nguhsr Nuhke Mwe Sramsram luhn Sucu

Sifil kalweni lutiyaen sramsram kacil Jisus ke el ahkkweyelah mwet lepa sin-gucul (Luk 17:11–19). Sramsramkihn

kuhtuh srihpac tuh kuht, oacna mwet lepa ah, suhkac ahkkahlwemye kuloh lasr nuhsin Leum. Sramsramkihn kuh-tuh ma kuht kuh in oruh in kuh in ahkkahlwemye kuloh lasr nuhsin Leum ke kais sie lwen.

Ke ipin mwe sramsram luhn sucu, kom ac ke in tuhkweni onkackihnyuck “I Stand All Amazed” (*Hymns*, 193).

Tahk in Ma Shmuhsrah: Enganwack in Leum nuh suwos suc Auliyak

Luk 15:4–10	Alma 26:11–16
Luk 15:11–24	D&C 18:10–16

“Luhlahlfongi Lom Molikomlac”

19

Luk 18:1–8, 34–43; 19:1–10; Jon 11.

- Mukul kun se siskacn acn Jericho ah ahkkahlwemye lah oasr luhlahlfongi lal in Leum fuhkah? (Liye Luk 18:38–42.) Kom ahkinsewowoyeyuck fuhkah ke kom moulkihn luhlahlfongi in Jisus Kraist uh?
- Zackiacs el ahkkahlwemye kena yohk lal in liye Jisus fuhkah? (Liye Luk 19:3–4.) Meac Jisus el fahk nuhsel Zackiacs tukun el topuk kabs luhn Jisus ah? Meac kuht kuh in oruh in eis Mwet Lahngo ke engan nuh in lohm sesr?
- Meac ahkkweye kom ke luhlahlfongi lal Martha sihmlac ke Jon 11:21–27 an?

Mwe Nguhsr Nuhke Mwe Sramsram luhn Sucu

Riti Jon 11:1–46. Siyuck sin mempucr ke sucu lah sramsram se inge oruh elos in puhla ke Mwet Lahngo fuhkah. Kalweni in lutlut ke fuhs ke mwe rit suc ahkkahlwemye luhlahlfongi lal Mary ac Martha ke Jisus Kraist. Siyuck mempucr ke sucu in sulaclah sie ma elos kuh in oruh in luhlahlfongi yohk ke Mwet Lahngo.

Tahk in Ma Suhmuhsrah: Luhlahlfongi Yohk

Mattu 8:5–10, 13	2 Timothy 4:7
Mark 10:46–52	Ether 3:3–13

“We nuh Suwos, ... Mwet Wosonkacs”

20

Mattu 21–23; Jon 12:1–8.

- Meac ahkenganye kom ke sramsram ke Jisus el kahsruhsr ke puhsisac ac kuhtanglah nuh in acn Jerusalem ah? (Liye Mattu 21:1–11.) Kom

nuhnkuh muh meac kom ac puhlak-ihn kom fin oasr we ke lwen sac.

- Efuh kom nuhnkuh muh masap ke Mattu 22:37–40 arulacna yohk

srihpac? Meac kom kuh in oruh in moulkihn ma sap inge?

- Mwet Lahngo el kalweni in fahk we nuhsin mwet sihm ac mwet Pharisee ke srihpen elos mwet wosonkacs. Elos loh yohk nuhke masap sahyac ac mukwikwi ma ac oruh sikyak lalos in mwet suwohswohs, tuh-sruhk elos tiac nuhnkuh in mwet suwohswohs ke insiaclos (Mattu 23:13–33). Meac kom kuh in oruh in sensenkihn wosonkacs?

Mwe Nguhsr Nuhke Mwe Sramsram luhn Sucu

Srolwacalah ke sie ipin pwepuh an sie petsac ke soko sahk ma oasr sra kac tuhsruhk wacngihn fahko. Ke lacyacn se ngiac ke pwepuh sacn srolacalah sie pet-

sac ke sahk soko ma oasr sra ac fahko. Oruh mempucr ke sucu in liye petsac ke sahk soko ma wacngihn fahko kac, na siyuck sie mempucr ke sucu in riti Mattu 21:17–20. Ahkkuhtweyac lah ke kuht oruh in muh kuht suwohs uh tuh-sruhk tiac moul suwohswohs, kuht oacna soko sahk ma kuh in isus fahko ma puhkantwen sra kac tuhsruhk wacngihn fahko. Oruh mempucr ke sucu in liye petsac ke sahk soko ma oasr fahko, ac kwacfelos in moul suwohswohs . . . in oruh ohiyac moul suwohswohs.

Tahk in Ma Suhmuhsrah: “Olawelah Pwacye”

Mattu 22:37	Omni 1:26
Joshua 24:15	D&C 4:1–2
1 Nephi 3:7	D&C 20:37

“Meac Akucl Ke Tuhkuh Lom uh?”

Joseph Smith—Mathew (Mattu 24)

- Mac akucl ke tuhkuh Ahkluo luhn Mwet Lahngo, ahkuhtweyucki ke Joseph Smith—Mathew 1:22 an? Meac mwe ahkpwacye kom liye muh pahluh se inge ahkpwacyeyuck? Kuht ac sensenkihn in kiacpweyucklac sin Mwet Pahluh kikiacp fuhkah? (Liye Mattu 7:15–20; D&C 45:57; 46:7–8.)
- Leum el luti lah kuht enenuh in “tiac fohsack” ke mweun ac sruhmuhsy-acn mweun (Joseph Smith—Mathew 1:23). Kuht ac konwacack mihsrac ke pacf fohs inge uh fuhkah? (Liye 1 Jon 4:16–18; D&C 6:34–36; 45:34–35; 59:23.)
- Leum el fahk nuhsin mwet fahsr tohkohl fin acn Jerusalem in “tu ke yen muhtahl” (Joseph Smith—Mathew 1:12), ac el sang pacna kih-sen kahsrub se inge ke lwen lasr uh (D&C 87:8; 101:22). Mac kuhtuh acn muhtahl kuht enenuh in tu we uh?

Mwe Nguhsr Nuhke Mwe Sramsram luhn Sucu

Sramsramkihn kuhtuh akucl ma ac sikyak ke Tuhkuh Ahkluo, oacna ke tahkihyucklac ke tahk in ma suhmuhsrah ke ip se inge. Kihtaclihki nus-pwepuh ma sasuc an ac mackuhsin ke Alu uh. Sap mempucr ke sucu in sifacna kais sie orekma kuh in mwet luo liye ke nus-pwepuh kuh mackuhsin an akucl ke Tuhkuh Ahkluo. Ke elos akacsruhi ke ma elos konwacack, sramsramkihn lah ahkoenyacn Tuhkuh Ahkluo fuhkah.

Tahk in Ma Suhmuhsrah: Akucl ke Tuhkuh Ahkluo

Isaiah 2:2–3	Daniel 2:44
Joseph Smith— Mathew 1:21–37	D&C 45:16–35

Mattu 25

- Puhpuhlyuck ke muhtwacn lahlmwetmwet singucul (Mattu 25:1–13) ahkkahlwemyeyacn Tuhkuh Ahkluo. Mukul se ma ac macruht ah ahol Mwet Lahngo muhtwacn lahlmwetmwet singucul ac ahol mempucr ke Alu uh, ac oacl lun lahm ah ahol ahkolah nuhke Tuhkuh Ahkluo. Meac kuhtuh ohiyac kuht kuh in sang “oacl” nuhke “lahm” lasr uh?
- Ke Mattu 25:14–30, talan uh aholyucklac ke mwe sang luhn God. Mwet nuhkewewa ituckyang tiac suhpuhs liki mwe sang se sin God (D&C 46:11–12), tuhsruhkuhtuh mwe sang uh fihsracsr in akihlenyuck liki kuhtuh. Meac kuhtuh mwe sang upac in akihlenyuck tuhsruhkuh kuh in orekmakihnyuck in kuhlwacnsuhpuh kuhtuhpac ac ahkfuhlwactye God?
- Meac kom nuhnkuh ke kalmacn ma Mwet Lahngo el fahk, “Mweyen kowos oruh ma inge nuhsin sie suc

srihk liki nuhkewewa sin ma lihk, kowos oruh nuh sihk (Mattu 25:40; oacyacpac liye Mosiah 2:17).

Mwe Nguhsr Nuhke Mwe Sramsram luhn Sucu

Riti puhpuhlyuck ke talan (Mattu 25:14–30), ac ahkuhtweyac lah talan aholyucklac ke mwe sang luhn God. Siyuck kais sie mempucr ke sucu in sramsram ke sie kuh luu talan kuh mwe sang ma ac ahkinsewowoyeyuck kac. Na sap kais sie mempucr ke sucu in sramsram ke talan kuh mwe sang ma mempucr ke kuhtuhpac sucu ahkinsewowoyeyuck kac. Sramsramkihn ohiyac ma mempucr ke sucu kuh in orekmakihn mwe sang inge in kahsruh muhsahi tohkohsrahi luhn God fin facluh.

Tahk in Ma Suhmuhsrah: Ahkolah Nuhke Tuhkuh Ahkluo

Mattu 25:1–13 D&C 45:36–39
D&C 38:29–30 D&C 88:123–126

“Luhngse Sie Sin Sie, Oacna Nga Luhngse Kom”**Luk 22:1–38; Jon 13–15**

- Ke Jisus ac Mwet Sap lal ohsun in ipeis ke mingo in kuhfwen Ahluhkewelah, Jisus el ahkkahlwemye ke akwuck luhn Kuhfa lal (Luk 22:19–20). Efuh yohk srihpac in eis kuhfa luhn Leum ke kais sie wik? Kom ac ahkoekomlac sifac in nguht met liki kom ipeis ke kuhfa luhn Leum fuhkah?
- Meac Jisus el fahk nuhsin Mwet Sap kac lah efuh el ohllah niaclos? (Liye

Jon 13:12–17.) Kuhlwacnsuhpuh kuhtuhpac usot nuhsun engan fuhkah?

- Jisus el fahk, “ke ma se inge mwet uh nuhkewewa fah etuh tuh kowos mwet tuhmuht lutlut, kowos fin luhngse kowos sie sin sie” (Jon 13:35). Ohiyac kom oruh nuhsin kuhtuhpac uh ahkkahlwemye lah kom in sie mwet tuhma lutlut fuhkah, kuh mwet fahsr tukun Kraist? Meac kuh-tuh ma kom kuh in oruh in ukwe srihkarak lal Kraist ke luhngse?

Mwe Nguhsr Nuhke Mwe Sramsram luhn Sucu

Siyuck sie mempucr ke sucu an in riti Olweacng ac Wuhlweacng 20:77. Sramsramkihn kalmacn Pret orekmakihnyuck nuhke Kuhfa luhn Leum. Siyuck sie pac mempucr ke sucu in riti Olweacng ac Wuhlweacng 20:79. Sramsramkihn kalmacn kof orekmakihnyuck nuhke Kuhfa luhn Leum, akikhlen lah mihsenge kuht orekmakihn kof likina in wain. Ahkuhtweyac lah ke kuht ipeis ke Kuhfa luhn Leum, kuht olwelah

in esamuhl Jisus. Sramsramkihn ma mempucr ke sucu kuh in oruh ma ac kahsrelas ac esamuhl Jisus.

In ipin mwe sramsram luhn sucu, kom ac ke tuhkweni onkihn on in Sackracmacn soko.

Tahk in Ma Suhmuhsrah: Kuhfa luhn Leum

Mattu 26:26–28 3 Nephi 18:5–12
Luk 22:19–20 D&C 20:77, 79

“Pa Inge Moul Ma Pahtpaht

Jon 16–17

- Meac orekma luhn Nguhn Muhtahl? (Liye Jon 14:26; 15:26; 16:7–14.) Kuht kuh in akikhlen kolyuck luhn Nguhn Muhtahl fuhkah? (Liye Mwet Galetia 5:22–23; D&C 6:15, 23; 11:13.) Eis mwe sang luhn Nguhn Muhtahl kahsre kom fuhkah?
- Jisus el fahk nuhsin Mwet Sap lal, “Fin facluh kowos fah fosrngah tuh-sruhktuh kowos ac engan; Nga kuh-tanglah facluh tari” (Jon 16:33). Kahlwem suc oasr yurin Jisus kuh-tanglah facluh kahsre kuht in enganwack ke kuht sun fosrngah uh fuhkah? Efuh yohk srihpac in engan?
- Ke pruhe lal, Mwet Lahngo el fahk, “Inge nga moul ma pahtpaht, tuh elos fah etuh lah Kom pa God pwacye muhkwefanna, ac Jisus Kraist suc Kom suhpwacлма” (Jon 17:3). Etuh Pahpah Lucng ac Jisus Kraist sie likina in etuh kachtahl fuhkah? Kuht ac kuh in etuh kachtahl fuhkah?

24

Mwe Nguhsr Nuhke Mwe Sramsram luhn Sucu

Lun sie pohk an, likiyac pwepuh sihm-lac Mwe Sang luhn Nguhn Muhtahl. Lun pohk ahkluo, likiyac sie ipin pwepuh sihmlac moul ma pahtpaht. Nokomlah pohk an in atwacn mwe sang. Ahkuhtweyac lah ke Jon 16–17, Jisus el sruhmuhn ke luo sin mwe sang yohklacna kuht kuh in eis. Siyuck sie mempucr ke sucu an in ikacslah pohk se met an ac riti ipin pwepuh se loac an. Riti Jon 16:13, ac ahkuhtweyac lah ke fuhs se inge “Nguhn Muhtahl luhn ma pwacye” luhmweyuck nuhke Nguhn Muhtahl. Sap sie pac mempucr ke sucu an in ikacslah pohk se ahkluo ac riti ipin pwepuh se loac an. Riti Jon 17:1–3, ahkkahlwemye engan lom ke mwe sang luhn Nguhn Muhtahl ac woiyacn eis moul ma pahtpaht.

Tahk in ma Suhmuhsrah: “In Ma Sefanna, Oacna ke Kuht Ma Sefanna”

Jon 17:20–26 4 Nephi 1:15–17
Mwet Filippai 1:27 D&C 35:2
Mosiah 18:21 D&C 38:24–27

“Tiac ke Luhngse Luhk Tuh Luhngse Lom, In Orek”

25

Mattu 26:36–46; Mark 14:32–42; Luk 22:39–46

- Efuh Jisus el inese in isaclwacng nuhke kweok yohk el etuh elac puhlakihn ke imac Gethsemane? (Liye Mattu 26:39, 42, 44.) Meac kom kuh in etwaclah ke pruhe luhn Mwet Lahngo in Gethsemane? Kom ahkinsewowoyeyuck fuhkah ke kom iskomyang nuhke kena luhn Pahpah Lucng uh?
- Meac Mwet Lahngo el puhlakihn in acn Gethsemane? (Liye D&C 19:16–19; Luk 22:44; Mosiah 3:7; Alma 7:11–13.)
- Efuh kuht enenuh iwaclah luhn Jisus Kraist? (Liye 1 Nephi 10:21; 2 Nephi 2:5–9; Moses 6:48.) Meac mwe insewowo lwelah nuh sesr ke srihpen kihsackuhnlah luhn Mwet Lahngo? (Liye Mosiah 16:7–8; Alma 7:11–13; D&C 19:23.) Kuht kuh in eis mwe

insewowo inge fuhkah? (Liye Alma 7:14; Ip Yohk ke Luhlahlfongi 1:3.)

Mwe Nguhsr Nuhke Mwe Sramsram luhn Sucu

Sruhkwack petsac kac! Jisus ke el pruhe Gethsemane (Puk in Petsac ke Wosacus 227). Riti sramsram kac! Jisus in Gethsemane, oacna konweyuckyak ke Mattu 26:36–46, Luk 22:39–46, kuh Olweacng ac Wuhlweacng 19:16–19. Ngihstre kais sie mempucr ke sucu in akacsruhi ke puhla lal ke iwaclah luhn Jisus Kraist.

Tahk in Ma Suhmuhsrah: Iwaclah luhn Jisus Kraist

Luk 22:39–44 2 Nephi 9:5–8
D&C 19:15–19 Alma 7:11–14
Mosiah 3:7, 9
Ip Yohk ke Luhlahlfongi 1:3

“Ke Srihpac Se Inge Nga Nuh Isuslac”

26

*Mattu 26:46–27:66; Mark 14:43–15:39;
Luk 22:47–23:56; Jon 18–19*

- Meac Piter el oruh ke mwet lihkihn kalkal lal Kaifus fahk lah el etuh Jisus ah? (Liye Mattu 26:69–75; oacyacpac liye 34.) Kuhtuh sesr oacna Piter, kuhtuh pacl uh lahfuhkihn luhlahlfongi lasr uh fuhkah? Meac kuht kuh in luti ke mou! lal Piter tukun el lahfuhkihn Leum ah?
- Kom sifacna puhla fuhkah ke kom nuhnkuh ke kweok luhn Mwet Lahngo? Kom ahkkahlwemye sruilom nuhke iwaclah fuhkah? (Ke kom nuhnkuh ke kihsensiyuck inge, kom ac ke suhmuhsrah ke puk in mwe acsmakihn nuhtum an.)

Mwe Nguhsr Nuhke Mwe Sramsram luhn Sucu

Sramsramkihn mwe sruhmuhyuck ke sramsram ke misac ac puckpucki luhn Jisus ke ma suhmuhsrah. Siyuck sin mempucr ke sucu lah meac elos esam ke kais sie mwet kuh un mwet inge.

Jisus Kraist
Paeluht
Saimon fin
 acn Cyrene
Solse
Joseph luhn
 Armidea

Mwet pihsrapasr luo
Mwet ahksruhksruhk
Jon Kuloh
Sacntoriacn
Mary, ninac
 kiac! Jisus

Tahk in Ma Suhmuhslah: "Luhngse Yohk Wacngihn luhn Mwet"

Luk 23:33-46

1 Nephi 19:9-10

Jon 15:13

D&C 34:1-4

"El Tiac Oasr Inge Tuh El Moulyak"

27

Mattu 28; Luk 24; Jon 20-21

- Efuh yohk srihpac in etuh lah Jisus el moulyak liki misac? Pweng se inge mac oruh nuhsin mwet uh? Meac ac oruh nuhsin uh?
- Leum suc moulyak el ahkkahlwemy-acl sifacna nuhsin itkohs sin mwet sap lal ke elos pahtuhr ac ke usrn-gucklacna sang nuh selos ik na puhs (Jon 21:4-7). Tukun elos mongo tari, mac Jisus el siyuck sel Piter ac kuh-tuhpac mwet sap in oruh? (Liye Jon 21:15-17.) Kuht kuh in liyacacng sip nuhtin Leum fuhkah?
- Meac srihpac lal Jon in sihmihs kuh-tuh ma Leum suc moulyak el fahk ac oruh? (Liye Jon 20:30-31). Kom ac eis wo lutlut ke sramsram ke moulyak luhn Jisus ke ma suhmuh-slah fuhkah?

Mwe Nguhsr Nuhke Mwe Sramsram luhn Sucu

Sap sie mempucr ke sucu an in sang sie kloff an nuhke pahol ac oruh kufun pahol in mukwikwi. Ahkuhtweyack lah

kloff sacn ahol mahnosr ac pahol ahol nguhsr. Sie nguhsn wi sie mahno orac-lah sie mwet mou. Sap mempucr ke sucu sacn in eslah kloff an. Ahkuhtweyack lah ke kuht misac, tuhsruhku nguhsr srackna mou. Sap mempucr ke sucu sacn in sifil fohlohkohwacng kloff sacn nuhke pahol. Ahkuhtweyack lah sifwil moulyak pa sifil toeni luhn nguhsn ac mahno. Ke kuht moulyak uh, kuht ac tiac sifil misac kuh tiac sifil mas. Ahkkahlwemye lah ke srihpac moulyak luhn Jisus Kraist, mwet nuhkewewa ac sifil moulyak. (Mwe lutlut se inge sruh-muhnuyuck sel. Elder Boyd K. Packer [ke Conference Report, Apr. 1973, 79-80; kuh *Ensign* July 1973, 51, 53].)

In ipin mwe sramsram luhn sucu, kom ac luhngse tuhkwani on.

Tahk in Ma Suhmuhslah: Sikyak luhn Leum Suc Sifil Moulyak

Jon 20:11-29

Luk 24:36-51

1 Mwet Korint

15:3-8

Orekma 9:1-6

3 Nephi 11:1-14

Joseph Smith

History 1:11-17

"Kuht Mwet Loh"

28

Orekma 1-5

- Mwe sang luhn Nguhsn Muhtahl kahsruh Mwet Sap ke kunohkoh-lalos in mwet lohoh luhn Jisus Kraist fuhkah? (Liye Jon 15:26-27; 1 Mwet Korint 12:3.) Meac orekma luhn Nguhsn Muhtahl ke oruh lasr uh in luti ke wasasuc? (Liye 2 Nephi 33:1; D&C 42:14.)

- Piter el tohpohkohlos suc ahksruhksruhkye Mwet Sap ke sramsram ke lohoh ah fuhkah? (Liye Orekma 2:14-24, 36.) Meac ahkenganye kom ke top lal Piter? Efuh yohk srihpac in oasr sie luhlahlfongi ke Jisus Kraist ac ke orekma yohk lal? Nguhsn Muhtahl kuh in kahsre

kuht in akacsruhi ke puhla in luhlalfongi lasr uh fuhkah?

- Piter el orekmakihn sie mwenmwen in sruhluhkihn pacl se in fahkwack ke Jisus Kraist (Orekma 3:12–26; 4:5–12). Meac pacl oasr yurum in fahkwack ke Kraist uh? Kom ahkinsewowoyeyuck fuhkah ke kom sie mwet lohoh in lohng kuhtuh pac mwet lohoh ke Jisus Kraist uh?

Mwe Nguhsr Nuhke Mwe Sramsram luhn Sucu

Riti Mosiah 18:8–9, lohacng nuhke mwe ahkuhtweyucki in “tu mwet

lohoh luhn God ke pacl nuhkwewa ac ke ma nuhkwewa, ac ke acn nuhkwewa.” Siyuck mempucr ke sucu lah elos kuh in ukwe mwe ahkuhtweyac se inge fuhkah Sap sie mempucr ke sucu an in ahkkahlwemye sie ma el puhlakihn el oruh in sie mwet loh luhn Jisus Kraist ac wasasuc lal. Kwacfe mempucr ke sucu in mwet loh ke Mwet Lahngo ke ma elos fahk ac oruh ke wik fahsruh uh.

Tahk in Ma Suhmuhsrah: Mwet Sap—Mwet Lohoh Sollac luhn Kraist

Orekma 1:1–8

D&C 27:12

Orekma 4:33

D&C 107:23

“Pihsen Mwet Tuhma Lutlut Puhseni”

29

Orekma 6–9

- Ke Alu in pacl sac ah kapkapwack, u kac ah kuhtuh pacl uh tiac inese nuhsin sie sin sie (Orekma 6:1). Kuht mempucr ke Alu uh kuh in kuhtanglah tiac inese ac fahsrelihk inmahrlosr fuhkah? Efuh yohk srihpac kuhtwacn oruh?
- Philip el ohsun nuhsin Mwet Ithiopia Eunuch sac fuhkah? (Liye Orekma 8:25–29.) Meac mwe in sewowo tuhkuh nuh yohrohl Philip ac Mwet Ithiopia sac ke srihpen Philip el ukwe Nguhn? (Liye Orekma 8:30–38.) Meac mwe in sewowo tuhkuh nuh yurum (kuh sie suc kom etuh) ke srihpen kom ukwe Nguhn?
- Saul el eklac liki sie mwet kase mwet luhlalfongi nuhke sie mwet kuhlwacnsap fokoko luhn Leum tukun el lohng puhsren Leum (Orekma 9:1–9, 17). Kuht kuh in lohng puhsren Leum fuhkah? (Liye D&C 1:38; 6:23; 8:2;

18:34–36.) Lohng puhsracl kaksre kuht in eklac fuhkah?

Mwe Nguhsr Nuhke Mwe Sramsram luhn Sucu

Tukun riti ac mahki tahk in ma suhmuhsrah ke ip se inge in sie sucu, siyuck kihsensiyuck inge:

Efuh kom nuhkuh muh yohk srihpac in sie mempucr ke sie ward (kuh pracns)? Suc kuhtuh mwet kol ac mwet luti ke ward lasr uh? Meac elos oruh in kahrhuh ac pahtok kuht? Meac kuht kuh in oruh in kahrhuh ac pahtkoltahl?

Tahk in Ma Suhmuhsrah: Tuhkweni Orekma ke Tohkohsrahi luhn God

Exodus 28:13–26

1 Mwet Korint

Orekma 6:1–3

12:12–21

D&C 64:33–34

Mwet Efesus

D&C 107:99

4:11–16

Orekma 10–14; 15:1–35

- Kuhtuh mempucr ke Alu uh puhla fuhkah ke elos lohng lah Piter el luti wasasuc nuhsin Mwet Gentiles (Liye Orekma 11:1–3). Meac kuht ac oruh ke kuht eis mwe ahkuhtweyac sasuc sin mwet kol ke Alu uh, finne kuht sruhnga mwe ahkuhtweyac inge kuh konwacack lah upac in kahlwem?
- Meac pahng lal Saul ac Barnabus ahkkahlwemye kac lah mempucr ke Alu uh pahng nuhke orekma luhn Alu uh fuhkah? (liye Orekma 13:1–3.) Meac ohiyac se inge kabsre kom in etuh lah pahng ke Alu uh kolyuck sin Nguhn?
- Paul ac Barnabus fohlohk nuhke siti suc elos muhsaheack ke Alu in kabsruh mwet luhlalfongi “in kwacfeacng ke luhlalfongi” oruh in kabsruh mempucr sasuc ke ward kuh pracns lom an?

Mwe Nguhsr Nuhke Mwe Sramsram luhn Sucu

Sramsramkihn puhla lal Saul ac Barnabus in ekihn misineri (Orekma 13–14). Akacsruhi ke puhla lom in sie misineri, kuh ngihstre sie misineri fohlohk tari an in akacsruhi ke puhla lal. Sramsramkihn lah puhla lal Saul ac Barnabus oacna puhla luhn misineri mihsenge uh fuhkah. In sucu se, suh-muhslah sie lwacta an nuhsin sie misineri ac. In ipin pruhe luhn sucu, siyuck Pahpah Lucng elwacn ahkinsewowe ac karuhnganwacng misineri.

Tahk in Ma Suhmuhsalah: God El Tiac Ahksruhksruhk luhn Mwet

Orekma 10:34–35 Rom 2:9–11
Orekma 15:7–11 2 Nephi 26:33

“Inge Alu uh Muhsahiyuckyak ke Luhlalfongi”**Orekma 15:36–18:22; 1 ac 2 Mwet Tessalonika**

- Mwet ke iwen lohngohk se fin acn Berea eis luti lal Paul fuhkah? (Liye Orekma 17:10–12.) Kom kuh in muhsahi sie “ahkolah in nuhnak” nuhke lutlut ke wasasuc fuhkah?
- Meac Paul el luti nuhsin Mwet Athen ke God? (Liye Orekma 17:22–31; oacyacpac liye lweng lal Joseph Smith ke orekma 17:27 ke footnote 27b.) Efuh yohk srihpac in etuh lah “kuht tuhlih nuhtin [God]”? (Orekma 17:28) In etuh ke ma pwacye ke God ac orekma lal in Pahpah Tuhmasr kabsre kuht in luhngse ac ahkfuhlwactyacl fuhkah?
- Meac Paul el luti ke 1Tessalonika 1:5, 2:2–12 ke ohiyacn lutiyacn wasasuc

nuhsin kuhtuhpac fuhkah?
Ukweyacn ma yohk inge kabsre kom luti wasasuc fuhkah?

Mwe Nguhsr Nuhke mwe Sramsram luhn Sucu

Oruh plwacn in suli misineri ke acn lom an nuhke sie mongo in ekuh. Siyuck selos in akacsruhi ke puhla lalos ke ma yohk srihpac luhn orekma ke missin ac in sramsram ke ahkoeyacn wi missin.

In ipin mwe sramsram se inge, kom ac ke tuhkweni onkackihn “Called to Serve.”

Tahk in Ma Suhmuhsrah: Fahko luhn Misineri Wowo

1 Tessalonika 2:1-12 D&C 38:41
2 Mwet Korint 4:5 D&C 88:81

D&C 4:1-7

D&C 123:12-14

“Muhta in Nguhn”

32

Orekma 18:23-20:38; Galetia

- Paul el ahksahfye sramsram lal nuh sin mwet lili fin acn Efesus in ahkac-smakinyaclos ke luti luhn Leum lah “wo in sang liki eis” (Orekma 20:35). Kom konwacack ma se inge in pwacye ke mouh lom fuhkah?
- Paul el kwacfe mwet Galatia in suk fahko, kuh ma sikyak ke mouh in Nguhn (mwet Galatia 5:16, 25). Mac kuhtuh sin fahko inge? (Liye tahk in ma suhmuhsrah ke ip inge? Fahko inge kahlwem ke mouh lom fuhkah? Meac kuht kuh in oruh kuht fin puhlakihn muh wacngihn fahko inge ke mouh lasr?)
- Meac kalmac “tuh kuht oacna ma mwet el tahknwelihk, ma inge el fah kosracni”? (Liye mwet Galatia 6:7-9). Ma yohk se inge orekmahnyuck nuh ke kuhiyacsr in lohng ac ukwe srihsrihsr luhn nguhn muhtahl

fuhkah? Orekmahnyuck nuh ke kuhpahsr lasr nuh sin kuhtuh pac mwet ac kuhtuh ohiyac in mouh lasr fuhkah?

Mwe nguhsr nuh ke mwe sramsram luhn sucu.

Siyuck sin mempucr ke sucu lah elos ac kuh in fahk lah kolyuck luhn nguhn oasr in lohmu uh fuhkah. Sramsramkihn ma kom kuh in oruh in sie sucu in suk nguhn. Oraclah finsrak in sie sucu in suk nguhn nuh in lohmu sum ke wik fahsruh uh.

Tahk in ma suhmuhsrah: Fahko luhn Nguhn

Mwet Galatia 5:22-23 Moroni 8:26
Jon 14:26 Moroni 10:3-5
Jon 15:26 D&C 6:22-23

“Kom Tempuhl luhn God”

33

1 Mwet Korint 1-6

- Meac elyah Paul el ahkkahlwemye ke 1 Mwet Korint 1:10-13? Fahsrelih ac fohs uh meac oruh nuh ke akacsruhi in mwet tuhma lutlut luhn Kraist uh? (Liye Mosiah 18:21-22; 3 Nephi 11:29-30; D&C 38:27.) Mac Paul el kihsen kahsruh Mwet Luh-lahlfongi in oruh in kuh in toeni uh? (Liye 1 Mwet Korint 1:10.)
- Paul el luti lah lahlmwetmwet luhn God uh ac “oruh in lahlfon”

lahlmwetmwet luhn facluh uh (1 Mwet Korint1:18-21). Lahlmwetmwet luhn God uh sie liki na lahlmwetmwet luhn facluh uh fuhkah? (Liye Isaiah 55:8-9; D&C 38:1-2.) Mac kuhtuh srihkasrak ke lahlmwetmwet luhn God in ahklahlfonye lahlmwetmwet luhn facluh uh? Kuht kuh in etuh “ma luhn God” uh fuhkah? (Liye 1 Mwet Korint 2:10-13.)

- Meac Paul el kapsra mahnosr nuh kac uh? (Liye 1 Mwet Korint 3:16–17; 6:19–20.) Meac kuht kuh in oruh in karihngihñ mahnosr in oacna in tempuhl? Meac mwe insewowo ke mouh in nwacsñwacs uh?

Mwe nguhsr nuh ke mwe sramsram luhn sucu

Ahkuhtweyac lah Paul el sramsram nuh sin mempucr ke Alu uh ke lwacta ma el suhpuh. Sramsramkihn kuhtuh ohiyac ma Mwet pahluh, Mwet sap, ac kuhtuh

pac mwet kol ke alu uh sruhmuñ nuh sesr kac mihsenge. In sie sucu, riti sie mwe fahkwack ke kanfracns ke *Ensign* kuh ke sie pacna ma sihmlac ke alu uh. Sramsramkihn lah kom kuh in orek-makihn mwe fahkwack sacñ fuhkah.

Tahk in Ma Suhmuñslah: Elah Nwacsñwacs Kuh Wo

1 Mwet Korint 3:16–17	Mwet Galetia 5:16 3 Nephi 12:27–30
1 Mwet Korint 6:19–20	D&C 42:22 D&C 46:33

“Karihngihñ Akwuck, Oacna ke Nga Usot uh”

34

1 Mwet Korint 11–16

- Meac kalmac tuh “tuhsruhktuh, wacngihñ muhtwacñ fin wacngihñ mukul, ac wacngihñ mukul fin wacngihñ muhtwacñ in Leum”? (1 Mwet Korint 11:11). Efuñ inmah-srlon mukul pahyuck ac muhtwacñ pahyuck arlac yohk srihpac ke tohkohsrahi luhn God? Meac ma se inge luti kuht kac lah mukul pahyuck se ac muhtwacñ pahyuck se ac akarihngihñi fuhkah?
- In oacna ke fahk lal Paul, meac srihpac luhn kuhfa luhn Leum? (1 Mwet Korint 12:23–36; oacyacpac liye Luk 22:19–20.) Efuñ akihlwenyacñ nwacsñwacsyacsr sie ip yohk ke kuhfa luhn Leum?
- Ma Suhmuñslah kacsre kuht in suk mwe sang luhn nguñ (1 Mwet Korint 12:31–26; D&C 46:8). Mac srihpac lasr in suk mwe sang luhn nguñ? (Liye 1 Mwet Korint 14:12; D&C 46:9.)
- Meac Paul el luti ke tohkohsrahi luhn wolacna? (Liye 1 Mwet Korint

15:35–44; oacyacpac liye D&C 88:27–32.) Etuh lom ke sifil moulyak ac tohkohsrahi luhn wolacna ikihl muhtwacngom fuhkah?

Mwe Nguhsr Nuhke Mwe Sramsram luhn Sucu

Riti kuhtuh fuhs ke tahk in ma suhmuñslah ke ip se inge. Na sramsramkihn kihsensiyuck ke pacruhkrahf ahktolu ke ip se inge. Sap mempucr ke sucu in fahk nuñnak lalos ke mwe sang luhn nguñ elos liye sie sin sie ma kacsruh ahkkweye sucu in sie ma fohn. Kacsruh kais sie mempucr in etuh lah el ip yohk se nuhke sucu.

Tahk in Ma Suhmuñslah: Mwe Sang luhn Nguñ

1 Mwet Korint 12:1–11	James 1:17 3 Nephi 29:5–6
1 Mwet Korint 12:31	Moroni 10:8–19 D&C 46:8–26

2 *Mwet Korint*

- Efuh Paul ac Timothy tiac kuh in fuhlweack finsrak finne elos puhla lokalok, fohsack, kalyeyiuck, ac sisi-lac? (Liye 2 *Mwet Korint* 1:3–5; 4:5–15.) Pahpah Lucng ac Jisus Kraist kahsre kom ke pacl upac uh fuhkah?
- Paul el kwacfe *Mwet Luhlahlfongi* in nuhnak muhnahs nuhsin sie sin sie (2 *Mwet Korint* 2:5–8). Efuh yohk srihpac kuht in nuhnak muhnahs nuhsin kuhtuhpac? (Liye *Mattu* 6:14–15; 2 *Mwet Korint* 2:7–8; D&C 64:9–10.) Meac kuht kuh in oruh in nuhnak muhnahs in yohk?
- Meac kalmac in oasr “ahsor ke insiy-acsr nohfohn nuhsin God” ke ma koluk lasr? (2 *Mwet Korint* 7:9–10). Efuh ahsor ke insiyacsr nohfohn nuhsin God sie ip yohk ke auliyak?

Mwe Nguhsr Nuhke Mwe Sramsram luhn Sucu

Riti 2 *Mwet Korint* 1:3–4, lohacng nuhke oruh lal Paul in ahkwoye kuh-tuhpac “ke ahkwo ma kuht sifwacna ahkwoyeyuck sin God.” Oraclah pacl in muhtwacta nuhke iwen ono, iwen monglac, kuh acn in karihngihn. Kahsruh kuhlwacnsuhpuh sie pacl in mongo an, ahkenganye mwet insacn an, ac oracni mongo, nuknuk, kuh kuh-tuhpac ma enenweyuck an nuh selos.

Tahk in Ma Suhmuhsлах: Fahko luhn *Mwet Tuhma Lutlut luhn Kraist*

2 <i>Mwet Korint</i> 1:3–5	2 <i>Mwet Korint</i> 1:11
2 <i>Mwet Korint</i> 2:5–8	2 <i>Mwet Korint</i> 5:17–21
2 <i>Mwet Korint</i> 4:5–10	2 <i>Mwet Korint</i> 7:9–10

“*Mwet Kuloh luhn God, Pahngonyuck Tuh In *Mwet Luhlahlfongi**”

Mwet Rom

- Kuht suwohslah ke kuht iskuhtyang nuhsin God uh, taltallah liki ma koluk ke ahkkoahs ke ma koluk uh, ac otwelah suwohs ac tiac tah-fonglac. Efuh kuht enenuh in suwohs? (Liye *Rom* 3:10–12, 23; oacyacpac liye *Alma* 7:21.) Meac Paul el luti kuht ke suwohswohs uh? (Liye *Rom* 3:24, 28; 5:1–2; oacyacpac liye 2 *Nephi* 2:6.)
- Pacptais ahollah misac, puckpucki, ac sifil moulyak (isuslac sasuc) fuhkah? (Liye *Rom* 6:3–4; D&C

76:50–52.) Pacptais uh sie isuslac sasuc nuhsum fuhkah?

- Kom liye fuhkah “Ma nuhkwewa tuhkweni orekma wo nuh selos suc luhngse God”?
- Meac ahkkahlwemye *Mwet Luhlahlfongi* pwacye se tahkih-nyucklac ke *Rom* 12:9–21 an? Suc sin mwe ahkkahlwemye inge pa upac nuhsum in muhsahiyuck uh? Meac kom kuh in oruh ke wik se inge in srack muhsahi mwe ahkkahlwemye inge?

Mwe Nguhsr Nuhke Mwe Sramsram luhn Sucu

Rit fuhs ke tahk in ma suhmuhslah ke ip se inge, ac sap mempucr ke sucu in konwacack mempucr ke ward kuh pracons suc oasr se kuhtuh ma yohk tahkihnyucklac ke fuhs ingacn. Oruh kais sie mempucr in oruh sie ma ah ke wik fahsruh uh in ukwe srihkasrak luhn mwet ingoh.

Tahk in Ma Suhmuhsrah: Ma yohk ke Mwet Luhlahlfongi

Mwet Rom 1:7–8 Mosiah 3:19
Mwet Rom 12:9–21 D&C 4:5–6
Mwet Efesus 4:1–3 D&C 88:74
 –77, 81

Jisus Kraist: “Mwet Kol ac Mwet Ahksuwohsye Luhlahlfongi Lasr”

37

Mwet Hibru

- Meac kom etwacack ke Jisus Kraist ke Mwet Hibru 1?
- Efuh mwet sruok pristut se enenuh in “pahng sin God” liki na in “[eis] wal se inge nuh sel sifacna”? (Mwet Hibru 5:4).
- Paul el sang srihkasrak pucspucs ke mwet suc oraclah ma yohk ke luhlahlfongi ke Jisus Kraist. Suc el sruh-muhn kac uh? (Liye Mwet Hibru 11:4–12, 17–34.)
- Paul el fahk lah luhlahlfongi kuh in kahrse kuht ke pacl in ma upac kuh mwe lain uh (Mwet Hibru 11:32–38). Luhlahlfongi kahrse kom in kuh-tanglah ma upac uh fuhkah? Mac kuhtuhpac mwe insewowo oasr yurum (kuh sie pac mwet kom etuh) eis ke moulkihn luhlahlfongi ke Jisus Kraist uh?

Mwe Nguhsr Nuhke Mwe Sramsram luhn Sucu

Ukwiyac soko fihtac. Riti Mwet Hibru 11:1 ac Alma 32:21, ac siyuck kac lah in ukwiyucki soko fihtac sie orekma ke luhlahlfongi na riti James 2:17. Siyuck lah orekma fuhkah enenweyuck in kahrseh soko fihtac in kap. Ke wik fahsruh uh, karihngihn fihtac kom ukwiyac an ac kac liye lah luhlahlfongi lom ac orekma lom kahrseacng in kap.

Tahk in Ma Suhmuhsrah: Luhlahlfongi

Mwet Hibru 11:1–6 Alma 32:21
Jemes 2:14–18 Ether 12:6
1 Nephi 7:12 D&C 63:10–11

“Kom Fahkwack Keik”

Orekma 21–28

- Paul el ahkkahlwemye ke puhlaik yohk in sruhmuhn nuhsin un mwet kasrkuhsrak se fin acn Jerusalem in sramsram ke eklac lal ac ararama lal

ke Jisus Kraist (Orekma 21:27–22:21). Ngac kom oruh fahkwack in luhlahlfongi lom ke pacl enenweyuck puhlaik uh? Kom ac eis puhlaik in oruh

38

ma se inge fuhkah? Lutlut ke muk-wikwi lal Paul kahrse kom in kuh in puhlaik in akacsruhi ke luhlalhfongi lom nuhsin kuhtuhpac fuhkah?

- Meac sikyak ke mwet kol se ke oak soko som liki Fair Havens lac ah sruhnga sensenkihn lal Paul muh arlac sensen in kalkalah? (Liye Orekma 27:7–20.) Meac oruh Sentoriacn sac sruhnga kihsen kah-sruh lal Paul? (Liye Orekma 27:11–12.) Efuhi kuhtuh sesr inkaiyacn pacl uh sruhnga kihsen kahsruh luhn mwet kol lasr ke Alu uh? Kom luti ke yohk srihpac in ukwe kihsen kahsruh luhn mwet kol ke Alu uh fuhkah?

Mwe Nguhsr Nuhke Mwe Sramsram luhn Sucu

Siyuck sin mempucr ke sucu in nuhnkuh ke sie mwet suc srihkasrak lal ahkenganyactahl kuh sang nuhselos puhlaik. Sap elos in sruhmuhn lah suc elos nuhnkuh kac ac efuh elos sulacloslac.

Tahk in Ma Suhmuhsrah: Tu na tuh in Mwet Lohoh luhn God

Orekma 26:22–23 D&C 18:10–16
Orekma 28:30–31 D&C 33:7–11
Mwet Rom 1:16

“Tuh in Ahksuwosy Mwet Luhlahlfongi”

39

Mwet Efesus

- Meac Paul el luti ke Mwet Efesus 2:20 ac 4:11–14 ke yohk srihpac luhn mwet sap ac mwet pahluh? Efuhi mwet sap ac mwet pahluh moul enenweyuck nuhke Alu pwacye? Meac kuhtuh mwe luti sin mwet sap ac mwet pahluh ke lwen mihsenge uh ma kahrse kuht kapkapwack nuhke wolacna ac tuhkweni?
- Kihsen kahsruh lal Paul ke Mwet Efesus 6:1–4 kuh in kahsruh ahkkweye inmahsrlon sucu ac sruokyac tuhkweni in lohmi uh fuhkah? Mac kihsen kahsruh mwet sap ac mwet pahluh ke lwen mihsenge use nuhseser ke sucu uh?
- Mac kain in ip ma Paul el pahngon mwe loang luhn God? Mac kais sie ip ahol uh? (Liye Mwet Efesus 6:13–18; D&C 27:15–18.) Kais sie ip ke mwe loang luhn God kahrse kuhtlac liki kolyuck lal Setuhn

fuhkah? Mac kuht kuh in oruh in nokomwacng mwe loang se inge ke kais sie lwen?

Mwe Nguhsr Nuhke Mwe Sramsram luhn Sucu

Sang nuhsin kais sie mempucr ke sucu kais sie ipin pwepuh. Siyuck kais sie mwet in seyac pwepuh lal an. Na sang sin sie mempucr an sie puk mahtoltol ac siyuck elacn saclihk nohfohn sra an pacl se fanna. Ahkuhtweyac lah un pwepuh ke puk sac fokoko ke toeni uh, kuht fokoko ke kuht tuhkweni in sucu lasr ac ke Alu uh. Sramsramkihn ma kom kuh in oruh in ekihn sie sucu in fosrngahkihn tuhkweni in lohmi sum ac ke ward kuh pracns lom an.

Tahk in Ma Suhmuhsrah: Tuhkweni

Sam 133:1 2 Nephi 1:21
1 Mwet Korint 1:10 Moses 7:18
Mwet Efesus 4:11–16

Mwet Filippai; Mwet Kolosse; Failimon

- Kuht kuh in orekmakihn kihsen kahsrüh lal Paul ke Mwet Filippai 4:8 fuhkah? (Oacyacpac liye ip yohk ke luhlhlhlfongi 1:13.) Kuht ahkinsewowoyeyuck ke kuht ukwe kahsrüh se inge fuhkah?
- Meac kalmac in "isongyac ac ukwiyac" ke wasasuc? (Liye Mwet Kolosse 1:23.) Meac oruh kuhtuh mwet uh in "som liki finsrak luhn wasasuc"? (Mwet Kolosse 1:23). Meac kom kuh in oruh in ahkkweye luhlhlhlfongi lom an?
- Paul el kalweni in ahkkahlwemye yohk srihpac luhn sang kuloh uh (Mwet Kolosse 2:7; 3:15, 17). Efuh yohk srihpac in sang kuloh? Kom ac ahkkahlwemye srui lom nuhsin Pahpah Lucng ac Mwet lahngo fuhkah?

Mwe Nguhsr Nuhke Mwe Sramsram luhn Sucu

Suhmuhsrah Ip Yohk ke Luhlahlfongi ahk singucul tolu ke port an, port in srihpsrihp petsac kuh ke sie ipin pwepuh. Sap sucu in tuhkweni riti fuhs ekahsr pacl an. Kais sie pacl fuhs an ac ritiyuck uh, afihnyac kuh elah kais sie kahs yohk srihpac. Sap mempucl ke sucu in kalweni fuhs an ne kena elos kaliyac.

Tahk in Ma Suhmuhsrah: "Kwacfe lal Paul"

Mwet Filippai 4:8 Ip Yohk ke luhlhlhlfongi 1:13

Orekmakihn kahs in kol nuhke sifac kuhpahsr nuhke tahk in ma suhmuhslah in konwacack sie ma suhmuhslah ke kahs inge: ma pwacye, suwohs, nwacsnwacs, tiac kosro, kuhlwcng, ac wo.

"Nga Ahksahfyelah Kahsruhsr Luhk"**1 ac 2 Timote; Taitus**

- Efuh kuhtuh mwet uh "srack lutlut, ac tiacna kahlwem ke ma pwacye"? (2 Timote 3:7). Kuht ac etuh lah lutlut lasr uh use nuhsesr sie kahlwem nuhke ma pwacye uh fuhkah? Lutlut ke akwuck ke wasasuc ahkinsewowoye moul lom fuhkah?
- Meac kom nuhnkuh muh kalmac in "sie srihkarak luhn mwet luhlhlhlfongi"? (1 Timote 4:12). Kom kuh in sie srihkarak ke kais sie ohiyac sruhmuhnyuck ke 1 Timote 4:12 an fuhkah? Kom kuh in eklac sin sie mwet suc "sie srihkarak luhn mwet luhlhlhlfongi" fuhkah?
- Ke ohiyac fuhkah luhngse luhn mani uh "okah luhn ma koluk nuhkewewa"? (Liye 1 Timote 6:7-10.) Kuht kuh in etuh lah kuht tiac loh yohk nuhke mani ac kuhtuhpac mwe kahsrüh uh fuhkah? (Liye 1 Timote 6:17-19; Jacob 2:18-19.)

Mwe Nguhsr Nuhke Mwe Sramsram luhn Sucu

Sruhkwack kuhtuh petsac, ke Puk in Petsac ke wasasuc kuh mackuhsin ke Alu uh, ma ahkkahlwemye sramsram ke ma suhmuhslah. Na onkackihn kuhtuh on ah kuh on luhn tuhlihk

srihsrihk. Tukun inteinyacn kais sie petsac ac onkackihn kais soko on, na siyuck mempucr ke sucu in fahk kuh-tuh olweacng, kuh luti ma kuh in orek, orekmakihn petsac kuh on.

Tahk in Ma Suhmuhsrah: Kuh luhn Olweacng Pwacye

1 Timote 4:16 3 Nephi 11:31–41
2 Timote 3:16–17 D&C 88:77–78
Jon 8:31–32

“Alu Pwacye”

James

42

- Meac kihsen kahsrh James el sang nuh selos suc srihklac lahmwetswets la? (Liye James 1:5–6). Mwet Pahluh Joseph Smith el eklac ke kihsen kahsrh se inge fuhkah? (Liye Joseph Smith—History 1:11–13.) Puhla fuhkah oasr yurum in eis top nuhke pruhe?
- James el luti lah kuht enenuh in “sa in lohng suhmuhi in fahk” (James 1:19). Puhla fuhkah ke moul lom ahkkweyelah ke kihsen kahsrh lah?
- Meac Jisus el ahkkahlwemye lah mac kuht enenuh in oruh in moulk-ihn sie Alu pwacye? (Liye James 1:27.) Efuh kom nuhnkuh muh muhtwacta ac kahsrh mwet enenuh sie ip ke Alu pwacye? Meac kom kuh in oruh in muhta “tiac fohkfohklah ke facluh”?

Mwe Nguhsr Nuhke Mwe Sramsram luhn Sucu

James el fahk lah ip se ke srihkeyacn “Alu Pwacye” pa in karihngihgn kuht sifacna in “tiac fohkfohklah ke ma facluh” (James 1:27). Sramsramkihgn ke mwe luti se inge lah kuh in oasr ma oruh nuhke sulaclah lasr penganal-wen. Ke sramsram lom an kom ac ke liye puk se nuhke Ahkkweyeyacn Mwet Fuhsr (34285), suc nwacack kih-sen kahsrh sin U luhn Prestuhnsi se met nuhke karihngihnyacsr sifacna in “tiac fohkfohklah ke ma facluh uh”.

Tahk in Ma Suhmuhsrah: Eis Topukyacn pruhe

Jemes 1:5–6 3 Nephi 18:20–21
Mattu 21:22 D&C 112:10
Alma 37:37 Joseph Smith—
History 1:11–19

“Sie fihl Sollac”

1 ac 2 Piter; Jud

43

- Meac kuht kuh in oruh in ukwe srihkaskrak luhn Mwet Lahngo in topuk mwe sruhf ac kaseyuck uh? (Liye 1 Piter 2:19–20.) Meac srihkaskrak kom liye ke mwet ma srihke in oacna Kraist in kuhtanglah mwe sruhf? Kuht ahkinsewowoyeyuck fuhkah ke kuht ukwe srihkaskrak luhn Mwet Lahngo in topuk mwe sruhf uh?
- Piac ma Piter el ahkuhtweyac muh ip ke moul luhn God? (Liye 2 Piter 1:4–7.) Efuh yohk srihpac tuh kuht in muhsahi ma yohk inge? (Liye 2 Piter 1:8.) Kom liye ma inge orek sin kuhtuh mwet uh fuhkah?
- Piter ac Jud sensenkihgn lah ac oasr mwet luti stuhuh inmahsrton mempucr ke Alu uh. Meac elos fahk muh kuhtuh mwe akucl luhn mwet luti

stuhuh? (Liye 2 Piter 2:1–3, 10, 12–19; Jud 1:4, 8, 10–13, 16, 18–19.) Meac kihsen kahsrh Piter ac Jud use ma kuh in kahsre kuht in sensenkihn luti stuhuh ac sruokyac in luhlalhfongi ke kuht ahkoo nuhke Tuhkuh Ahkluo? (Liye 2 Piter 3:11–14, 17–18; Jud 1:3, 20–21; oacyacpac liye Moroni 7:12–17; D&C 45:57; 46:7–8.)

Mwe Nguhsr Nuhke Mwe Sramsram luhn Sucu

Sulaclah sie mwe srihkasrak nuhke sie kihtakat in toeni oruh. Ke mempucr ke

sucu ukwe srihkasrak sacn, sramsramkihn lah efuh yohk srihpac in oasr nohfohn ma nuhke mwe srihkasrak sacn. Fin kom sahflah, riti 2 Piter 4–8. Sramsramkihn lah efuh kais sie ma inge ke ip ke moul luhn God yohk srihpac nuh sesr in oacna Pahpah Lucng ac Jisus Kraist.

Tahk in Ma Suhmuhsrah: “Sensenkihn Mwet Pahluh Kikiacp”

2 Piter 2:1–3	2 Nephi 28:7–9
Mattu 7:15–20	D&C 45:57
Mattu 24:24	

“God El Luhngse”

1, 2, ac 3 Jon

- Meac kahs Jon el orekmakihn in ahkuhtweyac Pahpah Lucng ke 1 Jon 4:8, 16? Efuh kuh kahs na fal se?
- Riti 1 Jon 4:9–10. Meac ahkkahlwemye luhngse luhn God ma Jon el ahkkahlwemye ke fuhs inge. (Oacyacpac liye Jon 3:16; 1 Jon 5:11; 2 Nephi 9:10.) Suhpwaclah Wen Nahtuhl in iwacalah ma koluk lasr ahkkahlwemye luhngse luhn Pahpah Lucng fuhkah?
- Jon el luti lah Pahpah Lucng el ac topuk pruhe lasr kuht fin siyuck fal nuhke kena lal (1 Jon 5:14–15). Pruhe uh kahsre kom in puhla luhngse lal Pahpah Lucng fuhkah?
- Jon el ahkuhtweyac elos suc luhngse God ac tiac “luhngse sie sin sie” fuhkah? (Liye 1 Jon 2:9, 11; 3:14–15, 17; 4:20.) Efuh luhngse lasr nuhsin kuhtuhpac uh sie srihkasrak ke luhngse lasr nuhsin God uh?

44

- Efuh kuhtuh Pahpah ac Ninac uh eis engan ke elos “lohng lah tuhlihk [nahtuhlosr] fahsr ke ma Pwacye”? (3 Jon 1:4).

Mwe Nguhsr Nuhke Mwe Sramsram luhn Sucu

Fahk nuhsin sucu lah komtacl ac tuhkweni som nuhke sie forfor, na oruh sie fahsr kuh kahsrh ke soko ma, liye ma ac kahsrh mempucr ke sucu in liye lah Pahpah Lucng ac Jisus luhngse eltahl. Ke kais sie mempucr ke sucu konwacack sie ma muh ahkkahlwemye luhngse lal Pahpah Lucng ac Jisus Kraist an, suhmuhsrah. Ke kom tari ke forfor muhtwacta sacn, riti tahk in ma kowos tuhkweni oracni an.

Tahk in Ma Suhmuhsrah: “El Suc Luhngse Tamuhlwel lal Fuhfahsryucsr in Kahlwem”

1 Jon 2:10–11	1 Jon 4:20–21
1 Jon 3:16–19	Jon 21:15–17
1 Jon 4:7–11	Moroni 7:45–48

Fwackyuck 1–3; 12

- In eis sie kahlwem wo ke sapta inge, liye foot notes ac Lweng lal Joseph Smith, Fwackyuck 1:1–8; 2:26–27; 12:1–17.
- Meac tuhkuh liki inwaclin Mwet Lahngo ke ararama lal Jon? (Liye Fwackyuck 1:16.) Meac katlas se inge ahol uh? (Liye D&C 6:2.) Ke ohiyac suc kahs luhn Leum oacna sie katlas? (Liye Mwet Hibru 4:12; Halaman 3:29.)
- Ke ararama lal Jon, meac Leum el olwelah nuh selos suc kuhtanglah mwe kweok ac mwe sruhf ke moulin ikoac? (Liye tahk in ma suhmuhslah ke ip se inge.)

Mwe Nguhsr Nuhke Mwe Sramsram luhn Sucu

Riti Fwackyuck 6:12–14 ac 16:18–21, na ahkuhtweyac lah fuhs inge ahkuhtweyac ke ma Jon el liye ke ararama lal ke lwen sahflah. Na ahkuhtweyac lah ne kuhtuh sin pahluh ke puk luhn Fwackyuck ahksahngweng, kuhtuh pahluh ke puk luhn Fwackyuck kuh in use nuh sesr finsrak ac tiac sahngweng ke pacl upac uh. Riti kuhtuh na fuhs ke tahk in ma suhmuhslah ke ip se inge in konwacack kuhtuh sin mwe fahkwack ke finsrak.

Tahk in Ma Suhmuhslah: Olwelah Nuh selos Suc Kuhtanglah

Fwackyuck 2:7

Fwackyuck 3:5

Fwackyuck 2:11

Fwackyuck 3:12

Fwackyuck 2:17

Fwackyuck 3:21

“El Ac Muhta Yohrohlos ac Elos Ac Fah Mwet Lal”***Fwackyuck 5–6; 19–22***

- Sie ma kuht etwacack ke Fwackyuck ke sapta 6 pa Setuhn el mweun lain mwet suwohswohs eke fahfahsruh luhn facluh. Nuhke Fwackyuck 6:4–11, meac kuhtuh ohiyac el oracalah ma se inge kac? Meac ohiyac Setuhn el orekmakihn mihsenge srihke in kuhtanglah mwet suwohswohs uh? Kuht ac sruokyac finsrak ac sie ngwetngwet suwohs ke kuht mweun lain Setuhn uh fuhkah?
- Tuhkuh Ahkluo luhn Jisus Kraist ac fah sikme ke mihliniuhm, lusacn tausin sie yac ke Kraist el ac fah sifacna kol fin facluh uh. Meac ac sikyak nuh sel Setuhn ke mihliniuhm? (Liye Fwackyuck 20:1–3.)

Moul uh ac fuhkah ke Setuhn el ac wacngihnlac uh (Liye 1 Nephi 22:26; D&C 45:55, 58.) Kuht ac ahksrihkyacalah kuh luhn Setuhn ke moulin lasr ingena uh fuhkah?

Mwe nguhsr Nuhke Mwe Sramsram luhn Sucu

Riti Fwackyuck 20:1–3, suc ahkkahlwemye lah Setuhn el ac fah wacngihnlac ke mihliniuhm. Na sang nuhsin mempuer ke sucu nus pwepuh kuh mackuhsin sasac an. Sap elos in liye nus pwepuh kuh mackuhsin an na motko lah piac ma suhmuhslah se ma ac oasr kuh wacngihn ke nus pwepuh kuh mackuhsin sacn ke mihliniuhm uh.

**Tahk in Ma Suhmuhsalah: Kahs in
Finsrak ac Ahkwo Ke Puk luhn
Fwackyuck**

Fwackyuck 3:20 Fwackyuck 22:1-7

Fwackyuck 7:13-17 Fwackyuck 22:17

Fwackyuck 21:3-7

**Luti luhn Mwet Pahluh ke lwen mihsenge uh ke mwe
insewowo ke lutlut ke ma suhmuhsalah.**

“Suk ma suhmuhsalah—suk mwe fahkwack kuht oraclah, ac siyuck sin Pahpah tomom inkuhsrao, ac ke inen Wen Nahtuhl Jisus Kraist, in ahkkahlwemye ma pwacye nuh sum, ac kom fin oruh ke ngwetngwet se na ke wolacna Lal tiac ahollah, El ac topuk kom ke kuh luhn Nguhn Muhtahl Lal. Kom ac fah etuh sum sifacna ac tiac sin kuhtuh. Na kom ac fah tiac luhlhlfongi mwet nuhke etuh luhn God; ac oacyacpac ac fah wacngih-n rum nuhke enenuh ke ma luhn God. Moh; tuh ke mwet elos eis mwe ahkuhtweyac sel ma oracloslac, elos etuh lah el ac fah liyaclahlwacng” (Joseph Smith, *Teachings of the Prophet Joseph Smith*, sel. Joseph Fielding Smith, [1976], 11-12).

“Nga engankihn ke ritiyacn ma suhmuhsalah. Nga finsrak tuh nuh sum ma se inge in sie ma enganlacna likina sie orekma; tuh, ac fah sie luhngse ke kahs luhn God. Nga olwelah nuh sum lah ke kom rit uh, nuhnak lom ac fah kahlweni ac nguhnum ac fah yohkwaclihk. Pacl se met ac alsruhngwesr, tuh ac fah eklac nuhke sie puhla na wo ke nuhnak ac ke kahs luhn ma muhtahl” (Gordon B. Hinckley, “The Light Within You,” *Ensign*, May 1995, 99).

“Ke kuht riti moult ac luti luhn Leum Jisus Kraist, kom ac fototoi nuh sel suc

pa oraclah molwelah lasr uh” (Gordon B. Hinckley, “Rise to the Stature of the Divine Within You,” *Ensign*, Nov. 1989, 97).

“Ke kuht ukwe kihsen kahsruh luhn Mwet Kol lasr uh in rit ac lutlut ke ma suhmuhsalah, ma ac wo ac mwe insewowo ke ma pucspucs ac tuhkuh nuh yohrohsr. Pa inge ma wo se emet ke mwe lutlut nuhkwewa ma kuht kuh in puhlakihn” (Howard W. Hunter, Ke Conference Report, Oct. 1979, 91; kuh *Ensign*, Nov. 1979, 64).

“Ke kais sie mempucr ac sucu esaclahlwacng sifacna nuhke ma suhmuhsalah pacl nuhkwewa ac fallacna, ... kuhtuhpac mukwikwi ac fah sifacna sikyak. Luhlhlfongi in fahkwack ac fah yohkwaclihk. Olwelah ac fah kuhi. Sucu ac fah kuhlasyuckyak. Fwackyuck luhn sie ac fah fahsr na” (Ezra Taft Benson, “The Power of the Word,” *Ensign*, 1986, 81).

“Kuht enenuh in tiac ahksrihkye ma yohk kuht ac eis ke poun Leum uh! Kahs lal pa sie mwe sang yohk molo el use nuh sesr uh. Nga kwacfe kowos in sifil kihsackihn kowoslac sifwacna in lutlut ke ma suhmuhsalah. Eis komyang sifwacna ke ma inge lwen nuhkwewa na ac fah oasr kuh luhn Nguhn Muhtahl ma ac wi kom ke pahng nuhsum uh. Riti ma inge nuh

sin sucu lom ac luti tuhlih nuhtum an in luhngse ac usru ma inge” (Ezra Taft Benson, “The Power of the Word,” *Ensign*, May 1986, 82).

“Nga konwacack lah ke nga srihke in oruh oruh luhk uh ke kuh ac ke oacna in wacngihn insroa in lohng ac wacngihn puhsra sramsram, na nga loeslac loesaclih likina. Nga fin eisyucyang sifwacna nuhke ma suhmuhslah misac uh ac asrihksrihkweni ac nguhn fohlohkuh. Nga konwacack sihk sifacna in luhngse yohk elos suc nga enenuh in luhngse ke insiyuck nohfohn nuhnkuhk ac kuhiyuck, ac in luhngse elos yohk likina met ah, nga konwacack fihsracsr in wi kihsen kahsruh lalos” (Spencer W. Kimball, *The Teachings of Spencer W. Kimball*, ed. Edward L. Kimball [1982], 135).

“Nga puhla lah kais sie sesr ke kuhtuh pacl in moullasr, enenuh in konwacack ma suhmuhslah nuhsesr sifwacna—ac in tiac konwacack pacl sefwanna, a in konwacack na konwacack” (Spencer W. Kimball, “How Rare a Possession—the Scriptures!” *Ensign*, Sept. 1976, 4).

“Nga nuhnkuh tuh mwet ma lutlut ke ma suhmuhslah eis sie luhpah nuhke

moullalos ma wacngihn mwet sahyac eis ac tiac kuh in ituck ke kuhtwena ohiyac sahyacn lutlut ke ma suhmuhslah. Oasr kapwack in luhlalhfongi ac sie kena in oruh ma pwacye ac sie puhla in ahkwo ac etuh ma tuhkuh nuh sin mwet ma lutlut ke wosac—kalmac yohk na nuhke orekma fal—ac suc nuhnak ke ma yohk, ma tiac kuh in tuhkuh ke kuhtwena ohiyac” (Bruce R. McConkie, ke *Church News*, 24 Jan. 1976, 4).

“Ngac pain mwet luhlalhfongi nuhk-wewa ke lwen mihsenge uh in tuhkuh nuhke sie etwacack ac kahlwem ke ma suhmuhslah. Puk Muhtahl inge pa mwe loang lasr in lain mwe keok” (Marvin J. Ashton, ke Conference Report, Oct. 1977, 110; kuh *Ensign*, Nov. 1977, 73).

“Nga olwelah nuh sum lah pruhe luhn sucu lwen nuhkwewa ac lutlut ke ma suhmuhslah ac muhsahiyuckyak ke pihsinkacn lohm sum sie mwe karihngihnyuck ac kuhpahs ma ac fah ahkkahsruhpye moullom ac ahkoo sucu lom in sun mwe kuhtangyuck mihsenge uh ac na ne tok” (L. Tom Perry, ke Conference Report, Apr. 1993, 113; kuh *Ensign*, May 1993, 92).

ALU LUHN
JISUS KRAIST
LUHN MWET
LUHLAHLFONGI LAL
KE LWEN-SAHFLAH

KOSRAEAN



4

02356 82868

8

35682 868